

## TOP-UP & WIN YOUR DREAM CAR



Worth of **K25,000** every month

\*Check Instore Posters for more details

24/7 Customer Care Call 345 6789 or www.telkompng.com.pg

NO.1 FONE MIPELA I SALIM NAU LONG LIKLIK PRAIS

MP3 Piele, Internet, Kala Scrib, Kamera, Radio



### Bogia kalt grup kaikai mit bilong man

#### ...8-pela dai pinis

WANPELA kalt grup o lain husat i save bilip strong long tewel na satan-pasin i wok long kilim ol man na kaikaim bodi bilong ol wantaim blut long Tangu eria long Bogia distrik long Madang provins.

Wanpela tisa long Tangu, i tokim *Wantok Niuspepa* olsem dispela kalt grup em sampela lain man bilong ples Biam i kamapin.

Dispela viles i stap samting olsem wanpela aua wokabout longwe long Tangu Katolik Misin stesin.

Long nau yet ol manmeri na pikinini long ol viles klostu long Tangu Katolik misin i stap wantaim bikpela pret.

Tisa ya, husat i no laik long kolim nem bilong em, i tok long long mun Epril, dispela kalt grup bilong Biam viles i bin wokim wanpela 'hausman' na kism ol yangpela man long go insait long lainim pasin kalsa.

I go moa long pes 7

TOKTOK STRONG: Wanpela wokman bilong kaunim vot, i toktok long hatwok ol i mekim long taim bilong vot inap long nau tasol Ilektorel Komisnin i no baim ol yet. Long Mande dispela wik, olgeta i bung long opis bilong Ilektorel Komisnin wantaim sampela ol kendidet bilong NCD long autim bel hevi bilong ol long Komisnin. POTO: Andrew Molen.

## EM TAIM BILONG POLING

23 Jun - 6 Julai

1 Moa De ...



ELECTORAL COMMISSION Papua New Guinea

2012 VOTE LPV

## Trawen bai askim GG long surukim taim

...bilong Simbu, Isten Hailans, Galp, Bogenvil, Saut Flai na Samarai-Murua

#### Aja Alex Potabe i raitim

SIF ILEKTORAL Komisina Andrew Trawen bai askim Gavana-Jeneral Gren Sif Sir Michael Ogio long surukim taim bilong poling long 4-pela provins na tupela ilektoret.

Aninit long taim-tebol bi-

long Ilekseen 2012, poling inap long kamap insait long tupela wik na pinis tumora, 6 Julai.

Tasol poling long Simbu, Isten Hailans, Galp, na Bogenvil wantaim Saut Flai Open long Westen Provins na Samarai-Murua Open long Milen Bei Provins bai

abrusim det Julai 6.

Sapos nogat wanpela hevi i bin kamap long sampela poling ples, PNGEC inap long bihainim stret pastaim taim-tebol bilong ilekseen, we olgeta poling inap pinis tumora stret.

I go moa long pes 2



ALCATEL OT-385 K99

ALCATEL OT-385 K69

www.digicelpng.com

Digicel



# GLOBE

...the perfect choice

## VITAMIN ENRICHED

More Easy, More Tasty, More Healthy.

1 kg Rice

# TELE Apdeit

### Citifon EasiPay TopAp Baim EasiPay wantaim Citifon bilong yu

Citifon nau i givim EasiPay TopAp Sevis wantaim Benk Saut Pasifik (BSP). Long yusim dispela nupela sevis, kism wanpela Mobail Benking Ap-likesen fom long Telikom Bisnis Opis o BSP brens klostu long yu long rejista.

Taim yu rejistaim Citifon na BSP akaun bilong yu pinis, bihainim dispela 5-pela isi step long baim easipay bilong yu.

Bihain long yu pinisim step 1, pls bihainim step 2 - 5.

### Step 1 - Mita bilong yu

Taipim "Top" larim wanpela spes, taipim "Easi" larim narapela spes na taipim "hamas yu laikim".

(Olsem. Top Easi 10)

### Step 1 - Mita bilong narapela

Taipim "Top" larim spes, taipim "Easi" larim narapela spes na taipim "hamas yu laikim".

(Olsem. Top Easi 98275 10)

### Step 2

Salim teks mesej i go long 16288

### Step 3

Mobail Benking bekim: Olsem: BSP 955xxx Requesting K10 TopUp for "Nem bilong yu" EasiPay Meter #. Reply with E123456 if Ok.

### Step 4

Bekim i go long 16288 wantaim TopAp koud long tok oraitim EasiPay TopAp.

### Step 5

Mobail Benking Bekim: Olsem: "BSP 123xxx TopUp successful - 654321. Your K10 EasiPay Token is 22172512053000969 for 13.6 units.

Tingim: Olgeta gutpela Easi-Pay TopAp i gat wanpela risit namba (Olsem.654321)



# ELC/PNG strongim wok bung wantaim ovasis patna sios

## Sanang Zazing I raitim

EVANJELIKEL Luteran Sios bilong PNG nau i gat nupela konfrens senta.

Dispela haus bung em sios bai yusim olsem palamen bilong mekim bung na bisnis bilong ol Luteran pipel insait long Papua Niugini. Dispela haus nau i stap long het opis bilong sios long Ampo insait long Lae, Morobe Provins.

Dispela haus bung i kamap olsem kaikai bilong wok bung namel long ELCPNG na ol ovasis patna Luteran Sios. Em i soim olsem wok bung bilong tupela sios bai go moa yet. Haus bung hia i kamap taim sios i gat gutpela spes long bungim ol bikpela bung olsem Nesenol Sios Kaunsel na toktok long planti hevi i wok long kamap insait long sios olgeta na i laik daunim bodi na spirit laip bilong ol Luteran sios memba.

Mani mak olsem K409,000.00 I bin go long sanapim dispela haus bung. Hap bilong dispela mani olsem K209,000.00 em Luteran Ovasis Patna Sios (LOPC) i putim na Evanse-likol Luteran Sios - Papua Niugini yet i putim K200,000.00. Dispela pasin i soim gutpela wok bung bi-

long ELCPNG na ol ovasis patna sios bilong en.

Hetman bilong Luteran Sios insait long Papua Niugini, Bisop Reveren Giegere Wenge i bin opim dispela nupela haus bung long 11 Jun, 2012. Namba wan bung bilong Nesenol Sios Kaunsel i stat na kamap insait long dispela haus, taim olgeta sios kaunsel memba bilong 17 distrik bilong ELCPNG i kam bung na toktok long hevi na wok bilong sios. Taim Het Bisop Reveren Wenge i opim dispela haus em i tok olsem: 'Dispela haus insait long histori bilong Luteran Sios i soim mak bilong wok bung wantaim ol ovasis patna sios bilong en. Long helpim bilong ol tu i mekim na dispela bikpela wok i kamap. Insait long dispela haus, sios bai bung na toktok long planti samting i wok long kamap insait long kantri bilong yumi insait long dispela taim bilong senis sios i go insait long en.'

Taim em i autim Tok bilong God, Bisop Wenge i tok, dispela haus i makim ol Kristen memba i sanap olsem dispela haus. Jisas Kraiss i sanap olsem namel pos i holim sios olgeta na bilip bilong olgeta Luteran i pas long dispela pos olsem trupela sios bilong God. Tok Bisop Giegere i autim i

kam long tok piksa bilong Jisas i toktok long saveman i wokim haus antap long ston. Jisas Kraiss yet i sanap olsem dispela ston na bilip bilong olgeta man i pas antap long em. Sapos wanpela man o meri i no sanapim bilip bilong em long dispela ston Jisas Kraiss, em bai pundaun sapos las de i kam - dispela tok i sut long Matyu sapta 7.

Asisten Bishop Reveren Zau Rapa tu i mekim tok olsem, "Dispela haus em i kaikai bilong wok ol namba wan lain evanselis na misinari i bin mekim taim ol i sanapim kona ston bilong dispela sios i soim sain bilong Luteran Sios husat i wok long go insait long senis bilong tude. Em i tok, Luteran Sios i wok long yusim ol dipatment na wok insait long straksa ( infrastructure) bilong en long sevim ol pipel bilong Papua Niugini."

Luteran Sios Kate Distrik Presiden, Pastor Kerry Rabisang i tok olsem, dispela nupela haus bung i soim mak bilong uniti o bung bilong Luteran Sios insait long Papua Niugini. Em i askim ol 17-pela distrik bilong Luteran Sios insait long kantri long wok bung wantaim insait long sios bilong God na sevim ol pipel bilong en.

# O'Neill les long harim 'kon toktok' bilong Namah

PRAIM MINISTA Peter O'Neill i tok kantri i no nidim ol kon tokotok bilong bilong ileksen na komon rol i kam long sampela politisen.

"Mi inap long harim dispela kain kon toktok long giamanim ol pipel. Dispela em i wok bilong Ilektral Komisn," O'Neill i tok.

O'Neill mekim dispela tok-tok bihain long Deputi Praim Minista, Belden Namah, i tok praim minista inap long sapatim mosen bilong palamen long surukim ileksen i go moa long 6-pela mun bikos planti manmeri i nogat nem long ilektral rol.

Namah i sutim pinga i go long O'Neill taim moa manmeri i no bin vot bikos nem bilong ol i no bin stap long Ilektral Rol.

Em i sutim toktok i go long O'Neill na Ilektral Komisina Andrew Trawen, olsem tupela i holim ileksem long taim stret tasol ol nem long ilektral rol i no bin redi gut.

Tasol O'Neill i rausim ol dispela sut toktok i kam long Namah.

"Mipelqa olgeta save olsem mi Praim Minista i nogat pawa

long surukim ileksen. Wok bilong ronim ileksen na makim det bilong en, em i stap long han bilong Ilektral Komisn. Ol i gat dispela wok long mekim aninit long Mama Loa.

"Em i wok bilong mi Praim Minista long lukautim ol stet institusen olsem Ilektral Komisn. Nau long dispela taim, kantri i noken harim dispela kain ol kon politikel tok-tok," em i tok.

O'Neill i tok: "Mipela olgeta save, as bilong surukim ileksen i go moa long 6-pela mun, i nogat bikpela samting long mekim wantaim ol Ilektral Rol na Ilektral Komisn."

Em i tok taim moa manmeri i lukim ol i nogat nem long Ilektral Rol taim ol i laik vot, Ilektral Komisn i gat pawa long larim ol i yusim Saplamentri Rol.

"Mi tokaut ples klia na askim Ilektral Komisn long yusim Saplamentri Rol long kain taim taim olsem. Na ol inap long mekim dispela," O'Neill i tok.

Em i tok long bihain taim, gavman bai kamapim nupela baiometrik (biometric) sistem long stopim dispela kain asua bilong Ilektral Rol.



HUSAT BISI LONG YU...O'Neill i no bisi long Namah mekim ol sut toktok agensim em na Trawen. Wantok Poto

# Trawen bai askim GG long surukim taim

## i kam long pes 1

Trawen i tok; "Tasol sampela hap long kantri bin bungim liklik hevi olsem weta i bagarap, na i hat long muvim ol balot pepa na bokis wantaim ol poling opisal. Dispela i mekim na poling long ol dispela ples bai abrusim 6 Julai, taim olgeta poling inap long pinis tumora."

Long Saut Flai, bikpela ren i mekim na hai wara i kamap long olgeta hap bilong ilekto- ret. Dispela i mekim ol poling opisal hat long karim ol balot pepa na bokis i go i kam long hap.

"Helikopta bai kism ol balot bokis na pepa i kam long Kiunga na i luk olsem ol bai stat kaunim balot pepa neks wik," Trawen i tok.

Long Samarai-Murua, solwara bilong Sudest Ailan i go bagarap na wara i go antap moa. Ol i wetim bot bilong PNGDF ami long karim ol balot bokis na pepa i go long hap.

Ren i wok long pundaun long Galp Provins bikos weta

i bagarap, na dispela i lukim poling long Galp tu bai suruk i go bihain long Julai 6.

"Olgeta poling tim bai pinisim poling tumora tasol tupela poling tim tasol bai abrusim Julai 6. Ol bai stat kaunim ol balot pepa long Mande neks wik," Trawen i tok.

Long Bogenvil, ol poling tim bilong Caterets, Mottlock na Tasman Ailan bai kamap tete long Buka taun wantaim ol balot bokis na pepa.

Simbu na Isten Hailans bai go insait long poling bihain long Jiwaka Provins. Jiwaka i go insait long ileksen aste na bai go het yet tete.

"Isten Hailans em i laspela provins long Hailans long i go insait long poling," Trawen i tok.

Olsem na PNGEC bai askim Gavana-Jeneral long surukim poling taim bilong ol.

Tasol Trawen i tok PNGEC bai go het wantaim kaunim bilong ol balot pepa long hap we ol i pinisim poling.

**FM100 MAP COVERAGE**

STATION	CURRENT COVERAGE	FUTURE COVERAGE
K10	13.6	13.6
K102	13.6	13.6
K103	13.6	13.6
K104	13.6	13.6
K105	13.6	13.6
K106	13.6	13.6
K107	13.6	13.6
K108	13.6	13.6
K109	13.6	13.6
K110	13.6	13.6
K111	13.6	13.6
K112	13.6	13.6
K113	13.6	13.6
K114	13.6	13.6
K115	13.6	13.6
K116	13.6	13.6
K117	13.6	13.6
K118	13.6	13.6
K119	13.6	13.6
K120	13.6	13.6
K121	13.6	13.6
K122	13.6	13.6
K123	13.6	13.6
K124	13.6	13.6
K125	13.6	13.6
K126	13.6	13.6
K127	13.6	13.6
K128	13.6	13.6
K129	13.6	13.6
K130	13.6	13.6
K131	13.6	13.6
K132	13.6	13.6
K133	13.6	13.6
K134	13.6	13.6
K135	13.6	13.6
K136	13.6	13.6
K137	13.6	13.6
K138	13.6	13.6
K139	13.6	13.6
K140	13.6	13.6
K141	13.6	13.6
K142	13.6	13.6
K143	13.6	13.6
K144	13.6	13.6
K145	13.6	13.6
K146	13.6	13.6
K147	13.6	13.6
K148	13.6	13.6
K149	13.6	13.6
K150	13.6	13.6

Be part of our Customers, Reaching 3.5 million Listeners daily

# PNG LNG Projek wansait long kisim wokman

PNG LNG Projek i no save kisim moa sumatin bilong Hela long wok taim ol i save pinis long skul.

Em i save wansait na kisim ol sumatin na wokman bilong narapela ples, maski ol Hela sumatin o manmeri i fit long mekim wok we kampani i laikim long en.

Presiden bilong Hela Yunion ov Studen, Paul Waro, i tok aninit long Kokopo UBSA agrimen, Esso Highlands Limited, opereta bilong multi-bilian-kina PNG LNG Projek, inap long givim namba wan sans long ol sumatin bilong Hela taim ol i pinisim skul na painim wok.

“Tasol Esso Hailans i wok long givim namba wan sans long ol ausait manmeri o sumatin, i no bilong Hela, we EHL i rausim ges bilong LNG long Hela,” Waro i tok.

Moa long sumatin EHL i kisim dispela yia na las yia em ol bilong narapela provins, i no bilong Hela. Na tu planti bilong ol i no bin skul gut tasol ol save pes bilong ol i stap insait na ol i go insait na mekim wok.

Waro i tok EHL i wansait tru na i no bisi long kisim na trenmim ol Hela sumatin, tasol em i wok long kisim ol sumatin bilong ol arapela ples.

Maski EHL i rausim ges long Hela na as tru tru bilong dispela bikpela LNG Projek bai kamap long Hela, planti ol Hela sumatin husat i pinis long yunivesiti iraun nating long strit i stap bikos ol narapela pikinini i kam long narapela hap i pulapim ples pinis.

“Mipela i harim sampela tokwin olsem planti paul pasin na wantok sistem i wok long kamap insait long Hiumen Risos Dipatmen bilong EHL. Ol wokman long hap i wok long wansait stret long kisim ol lain bilong ol yet, na ol i no bisi

lon kisim ol Hela sumatin, ol papa bilong ges mi tok,” Waro i tok.

Em i tok dispela i no stretpela pasin bikos ges em samting bilong ol Hela, na kapani i mas givim gut sans long ol papagraun long kisim save na mekim wok mani bikos taim ges i pinis ol manmeri Hela bai kisim taim, ino ol manmeri bilong narapela hap.

“Dispela em i no stret. Em i no stretpela pasin. Olsem na mi askim Mensesing Dairekta, Peter Graham, long lukluk i g insait long dispela asua. Ol wok manmeri insait noken wansait long ol lain na poroman bilong ol yet tasol, ol i mas givim namba wan sans long Hela.

“Mi askim EHL long larim ol waitman tasol i mekim ol rekrutmen na seleksen bilong ol nupela wokman. ol bai mekim stretpela wok tru,” Waro i tok.

Em i makim maus bilong ol Hela sumatin na wok manmeri na mekim dispela toktok.

Mausmeri bilong Esso Highlands, Rebecca Arnold, i tok ol dispela toktok i kam long Hela Yunion ov Students i giaman toktok na nogat wanpela gutpela samting i stap long en.

“Mipela i save haiarim ol wok manmeri long save na ekspiriens ol i gat. Bilong sampela trening na wok progrem, mipela i save givim namba wan sans long ol manmeri i kam long ol projek eria,” Arnold i tok.

Em i tok EHL i kisim moa Hela na Sauten Hailans sumatin, husat i pinis long yunivesiti, na nau ol i wok i stap aninit long greduet developen progrem.

“Moa long ol Operesens na Mentenens Treni (olgeta i nau skul long Kenada) sumatin i kam long dispela tupela provins,” Arnold i tok.

## Share in PNG's Biggest EVER Cash Prize Giveaway of

# K1,600,000!

1 Grand Prize winner of

# K1,000,000

drawn in December, 2012

201 Monthly Prize winners will share in K100 000  
each month from July - December

1 x	K50,000	20 x	K400
2 x	K1,500	30 x	K250
3 x	K1000	45 x	K200
10 x	K600	90 x	K150

Simply complete eligible transactions with your BSP Card at any BSP ATM, BSP EFTPoS Device or via BSP Mobile Banking and you will go into the draw.

All eligible entries received from 1st June until 30th November will be accumulative and included in monthly and grand prize draw.

**One Million Reasons to bank with BSP!**



www.bsp.com.pg

Refer to our website for full Terms & Conditions.

Find Us On:





# 2012 Ileksen Vot



# Midia Senta mekim gutpela wok

**Aja Alex Potabe i raitim**

ILEKTORAL Komisin (PNGEC) Midia Senta i mekim gutpela wok long tokim ol manmeri long olsem wanem dispela ilekseni wok long kamap.

Dispela Midia Senta em i ples we olgeta infomesen bilong dispela ilekseni stap long en, na em i nau wok long givim o ap-det bilong poling na kaunting long olgeta hap bilong kantri Taim ol i mekim opisal lonsim hap aste, Sif Ilektoral

Komisina, Andrew Trawen, i bin amamas long Britis Hai Komisina, long fanim na sapatim PNGEC long kamapim dispela midia senta. "Mi amamas long lonsim dispela Midia Senta. Em i ples we ol nius manmeri i

ken kam kisim ol infomesen na toktok i kam long PNGEC na givim i go aut long ol pablik," Trawen i tok. Bristis Hai Komisina, Jackie Barson, i tok amamas long PNGEC long wokbung wantaim ol nius manmeri

long surukim ol nius bilong ilekseni i go long olgeta pipel long kantri na ausait wantaim. Em i tok Britis gavman i amamas tru long sapatim PNGEC long ronim fri, fea na seif ilekseni. "Britis gavman i amamas

long helpim PNGEC wantaim dispela. Mipela i laikim ol infomesen na toktok bilong ilekseni i go aut gut long pablik. Oslem na mipela i sapatim PNGEC wantaim dispela senta taim Trawen i bin askim mi long mun Mas," Barson i tok.

# Voting klostu pinis long Bogenvil

### ...Tasol no stat yet long ol liklik ailan

**Veronica Hatutasi i raitim**


TAIM bilong vot long Otonomes Rijen bilong Bogenvil (ARB) i klostu pinis na Atols rijen long Not Bogenvil em wanpela eria tasol we pipel i no vot yet. Long mak stret, 95 pesen bilong ARB i pinis long voting. Ileksen Menesa long ARB, Re-itama Taravaru i tok em bai askim Ilektorel Komisina, Andrew Trawen long givim 4-pela de moa i go long ARB na ol pipel long

Atols Distrik i ken skruim na go hetim voting. Long aste, Mista Taravaru i bin tok sip, MVAndreas i stap long rot namel long Is Nu Briten Provins na Bogenvil na i sapos long go kamap long Buka aste nait. Na em bai pulumapim piul, putim ol ilekseni metiriel na ol poling opisa na ol polislain na go long 4-pela Atol Ailan bilong Carterets, Motlok, Tasman na Fead. "Em tru, bai gat moa taim long karimaut voting long Bogenvil na moa yet, long ol liklik Atol ailan.

"Bai mi askim Ilektorel Komisina, Andrew Trawen, long givim mipela 4-pela de moa long karimaut voting long ol liklik Atol ailan. "Foapela de em inap long wanem, em bai kisim tupela de long karimaut wok bilong vot long Carterets Ailan, wanwan de long Motlok, Tasman na Fead," Mista Taravaru i tok. Em i tok Nu Silan i bin baim samting olsem K160,000 i go long papa bilong sip, Boda Developmen Atoriti, long yusim MV Andreas

long voting long ol liklik ailan bilong Bogenvil, tasol olgeta samting bilong sekyuriti na kliarens bilong sip i no bin orait. Dispela em long sait bilong kliarens long Maritaim na Sefti Trensport lain, tasol nau ol i stretim ol hevi na ol i salim sip i go long Buka. Mista Taravaru i tok taim bilong vot long ol narapela hap bilong Bogenvil i go orait na long sampela hap, voting i pinis. "Voting long Panguna, Kieta na Wakunai insait long Sentrel Bogenvil i pinis na ol i karim ol balot bokis i kam long Buka pinis.

Tasol Mista Taravaru i tok bihain long stretim toktok wantaim ol sif na ol ritening opisa, ol lain husat i haijelim ol balot bokis i bin kisim ol i go bek wantaim nogat trabel long ol. Mista Taravaru i tok ol bai statim kauning bilong Sentrel na Saut Bogenvil long neks wik Mande Julai 9 taim bilong Not Bogenvil bai wet yet inap ol i karimaut voting long Atols rijen. Mista Taravaru i autim tok amamas bilong em i go long ol sif na pipel insait long ol LLG long gutpela wok ol i mekim we i lukim wok bilong voting i ron gut. Na em i askim pipel long givim wankain sapat long taim bilong kauning ol vot na ol samting bai ron gut tasol. Long wankain taim tu, Provinsel Polis Komanda bilong ARB, Sif Inspekta Cletus Tsien i tok tok amamas long ol pipel bilong Bogenvil long stap isi na kamap papa bilong dispela ilekseni. "Mi laik autim tok amamas long ol pipel bilong Bogenvil long nogat bikipela trabel i bin kamap na voting i ron gut tasol long olgeta hap bilong ailan. Mi amamas tu olsem pipel i bin kamap olsem papa bilong dispela ilekseni wantaim nogat bikipela trabel o meknais stat yet long taim bilong kempein na voting. "Mi askim pipel long Bogenvil givim wankain sapat long taim bilong kauning," Sif Inspekta Tsien i tok.



**Internal Revenue COMMISSION**

"Collecting Taxes to help build PNG"

---

**TAX AMNESTY ON ADDITIONAL TAX FOR LATE PAYMENT**

The Papua New Guinea Internal Revenue Commission (IRC) wishes to advise all taxpayers now that an **amnesty** is in place for full remission of any Additional Tax for **LATE PAYMENT**, if the actual tax assessed is **FULLY PAID** by 31st July, 2012.

The **AMNESTY** applies to: **Personal Income Tax, Company Income Tax, Salary & Wages Tax, Business Payment Tax, Goods and Services Tax and Training Levy.**

Please contact any of the following named officers for further details:

Name	Telephone	Email
Mr. Dollacruise Augustine	322 6689	augustined@irc.gov.pg
Mr. Gedisa Basai	322 6666	basaig@irc.gov.pg
Mr. Hena Guria	322 6785	guriah@irc.gov.pg
Mrs Martha Tavi	322 6672	tavim@irc.gov.pg
Mr. Geoffrey Hanasbey	322 6680	hanasbey@irc.gov.pg

For more information on any other tax matters, taxpayers can visit your nearest tax office in your provincial centers or can access IRC's website:

[www.irc.gov.pg](http://www.irc.gov.pg)

Authorized by Ms Betty Palaso, OBE  
Commissioner General  
Papua New Guinea Internal Revenue Commission

# Voting long Momase rijen ron gut, ren tasol kamapim hevi

PLANTI ol provins bai pinisim wok long voting long tude na tumora na ol bai skruim taim long 5-pela provins, Ilektorel Komisina, Andrew Trawen i tok. Em i tok long Momase Rijen, wok bilong voting i ron gut na 4-pela provins i amamas wantaim lojistiks, trening na operesen we PNG Ilektoral Komisina i givim long ol. Ol provins i kam aninit long Momase em long Madang, Morobe, Is na Wes Sepik. Long Madang Provins, voting i wok long go gut na long 175 poling tim, 78 i pinisim wok long vot na ol i kisim ol balot bokis i go long Lae pinis. Madang Provinsel Ilekseni Staring Komiti i wok long monitaim ol wok go het lon g voting long provins na em bai wokim ol plen sapos taim nogut we ren i kamapim i stopim wok bilong vot long sampela hap bilong provins. Long Morobe Provins, kauning ol

vot bai stat tude long Lae. Voting long provins i ron gut, tasol taim nogut we ren i kamapim i wok long kamapim hevi long ol poling na sekyuriti opisa i go long eria. Tasol ol helikopta i kisim ol lain i go na voting i ron gut wantaim nogat sekyuriti hevi. Long Is Sepik Provins, voting i ron gut na ol i bilip olsem voting bai pinis long taim stret em long tumora, Fraide Julai 6, 2012. Liklik lain tasol long mak bilong 10-pela tim i no pinisim yet voting. Long Wes Sepik Provins, taim nogut i kamapim hevi na em i hat long ol helikopta i kisim ol poling tim, polis na ol poling metiriel i go long planti ol ples long ol ruel eria. Tasol long sampela hap bilong Aitape-Lumi Ilektoret, Nuku na Vanimo-Grin Ilektoret, voting i pinis na ol i salim ol balot bokis i go long Aitape. Tasol voting i go gut long provins.



# 2012 Ileksen Kaunim



## Ol bai stat kaunim ESP balot pepa tete

### Aja Alex Potabe i raitim

OLGETA poling tim insait long Is Sepik Provins (ESP) i pinisim poling gut tru na i luk olsem ol bai stat kaunim ol balot pepa tete.

Moa long 222 poling tim

long ESP i pinisim poling aste na Ilektoral Komisn (PNGEC) i tok ol bai stat kaunim ol balot pepa tete mekim kaunting i redi.

Long namba foa (4) midia brifing, Sif Ilektoral Komisina, Andrew Trawen, i tok kaunt-

ing bilong Yangorru-Saussia na Wewak Open bai nonap kamap long Moem Ami Bareks long Wewak, bikos i gat sampela liklik asua namel long komanding opisa bilong Moem Bareks na ol ami bilong en.

"PNGDF Komanda

Brigada-Jeneral, Francis Agwi, i raitim wanpela pas long me (hap aste moning) na tokim mi oslem i gat wanpela liklik asua i stap namel long ol ami long Moem, ol i senisim ples bilong kaunting," Trawen i tok.

ESP Ileksen Menesa, Kila

Ralai i tok ol i nau senisim ples bilong mekim kaunting long Is Sepik bihain long Provinsal Ileksen Staring Komiti (PESC) i bung na tok orait long senisim.

"PESC i bung hap aste. Mipela i senisim ples bilong kaunting. Bilong Wewak

Open bai kamap long Kaindi Tisas Kolis, ESP Provinsal bai kamap long Dagua Kaunsil Semba, na Yangorru-Saussia bai kamap long Wewak Golf Klab," Ralai i tok.

Provinsal Tali Rum bai stap long Provinsal Ilektoral Opis long Dagua rot.

## Kenamu go pas long Hela rijenal resis

### Aja Alex Potabe i raitim

OUR Developmen Pati kendidet Andy Kenamu i go pas long resis bilong nupela Hela Rijenal sia taim bikpela mangi bilong Hela, Anderson Agiru, i ron baksait long em long namba tu ples.

Long kaun namba 40 aste Kenamu i go pas wantaim 12, 474 vot taim Pipols Yunaitet Asembli (PUA) kendidet Agiru i bihainim em wantaim 11, 830 vot.

Kenamu i kisim ol dispela vot long asples bilong en long Lake Kapiago, Pori na Koroba eria.

THE Pati kendidet na yangpela man, Iki Ricks Mamu, i stap long namba tri ples wantaim 8,489 vot.

Long Tari-Pori Open, PNC kendidet na siting memba, James Marape em yet i go pas wantaim 8, 131 vot.

Bihain long en, PNG Pati

kendidet George Tagobe i kisim 3, 164 vot na indipenden kendidet Johnny Philip i kisim 3, 089 vot.

Long Koroba-Kopiago Open, Hides papagraun Philip Undialu bilong THE Pati (10, 303) i ron pas long PNG Pati kendidet na siting memba, John Kekeno (4, 636 vot), na PNC kendidet Nane Petrus Thomas (4, 302 vot).

Insait long Komo-Margarima Open, PNG Pati kendidet, na siting memba, Francis Potabe i stap long namba tu (2) ples wantaim 3, 174 vot.

Robert Agori Igirimene Tia i go pas wantaim 3, 501 vot, na loya Manasseh Marabe Makipa (3, 021 vot) bilong Stars Alliance Pati i ron bihain long en.

Ilektoral Komisn i tok kaunting long Hela i go gut bikos nogat wanpela bikpela pait o hevi i kamap taim ol i bin stat kaunim ol balot pepa long las wik Sande yet.

## Ilektronik kaunim bai nonap long NCD

### Aja Alex Potabe i raitim

TAIM ol kendidet bilong Nesenel Kapitel Distrik (NCD) i laikim ilektronik kaunting long kamap long NCD, Ilektoral Komisn (PNGEC) i tok ol bai nonap yusim dispela sistem long kaunim ol balot pepa.

Hap aste olgeta kendidet bilong Mosbi Not Wes, Mosbi Not Is, Mosbi Saut na NCD Rijenal i bung na givim wanpela petisen i go long PNGEC long yusim ilektronik kaunting.

Tasol Sif Ilektoral Komisina, Andrew Trawen, i tok PNGEC bai nonap larim NCD tasol i yusim dispela sistem bikos ol arapela kaunting senta tu bai nonap wanbel sapos NCD tasol i yusim.

NCD Rijenal kendidet, Stanley Kaka, i tok ol balot pepa i liklik tru na i gat


bikpela sans long mekim paul pasin taim ol i laik kaunim ol pepa.

"PNGEC i gat olgeta samting long larim ilektronik kaunting i kamap long NCD. Ol i yusim pinis dispela sistem long Kundiawa-Gembolg bai-ileksen las yia.

"Nau PNGEC mas yusim dispela sistem tu bikos sais bilong balot pepa em i liklik tru na sampela kain pasul pilai i ken kamap taim kaunting i kamap," Kaka i tok.

Tasol Komisina Trawen i tok PNGEC bai nonap yusim ilektronik kaunting bikos em i no stap long gutpela mak long yusim.

"Sapos yumi yusim long NCD, ol lain long Hailans tu bai komplek, na ol bai nonap wanbel. Nomol kaunting bai kamap na ilektronik kaunting bai nonap kamap long NCD," Trawen i tok.



**Yumi Stori**  
long  
**PNG LNG**  
with Peter Graham,  
Managing Director,  
Esso Highlands Limited

### Welkam long dispela nupela kolum, we long olgeta mun bai mi toksave long wanem samting i kamap long PNG LNG Projek.

Dispela PNG LNG Projek em i wanpela bikpela projek tru long kamap long Papua Niugini. Em i gat bikpela lek mak bilong en – klostu long Pot Mosbi, i go long Kopi long Galp Provins, i go long Hides long Sauten Hailans na long Hailans Haiwe i go long Lae, Morobe Provins – em i tasim planti pipel tru. Projek bai kamapim gutpela ikononomik impek long olgeta hap long PNG. Bikos long dispela, ai bilong olgeta lain i stap long mipela nau. Dispela kolum i givim mi sans long tokim yupela long wanem samting Projek i kamapim olsem ol bikpela konstraksen wok na ol developmen wok mipela i mekim insait long ol komyuniti we mipela i wok long en.

Pastaim long dispela, mi mas toksave long mi yet. Mi Peter Graham, Manesing Dairekta bilong Esso Highlands Limited, kampani i operetim PNG LNG Projek wantaim ol ko-vensera olsem Oil Search Limited, National Petroleum Company PNG, Santos Limited, JX Nippon Oil and Gas Exploration, ol lendona (insait long MRDC) na Petromin PNG Holdings Limited. Esso Highlands Limited em i wanpela han bilong Exxon Mobil Corporation.

Mi stat wok long salim ges bilong PNG long yia 2004 long taim astingting bilong Projek em long salim neturel ges bilong PNG i go long Australia long paipain. Bihain long planti stadi na wok painimaut, mipela i luksave olsem dispela i no gutpela rot. Orait, mipela i tanim na lukluk long salim likwifait neturel ges (LNG) i go long ol kastoma long Asia. Ol fisibiliti stadi i kamap hariap bikos planti ensinering wok i bin kamap pinis em ol i ken yusim long dispela nupela projek. Nau yumi gat PNG LNG Projek- dispela projek i karamapim 700 kilomita paipain, wanpela ges kondisening plent long Hides, wanpela LNG prosesing na storej fesiliti wantaim tupela tenk we wanpela tenk inap long holim wanpela Air Niugini Boeing 767 balus, na wanpela 2.4 kilomita jeti we ol sip bai karim ges i go long ol kastoma bilong yumi.

Mi stap long Papua Niugini inap foapela yia na mi wok long PNG ges komeselaisesen inap 10-pela yia olgeta, tasol bikpela laik bilong mi long dispela Projek em i strong yet. Em i previles long stap na wok long PNG na wok long wanpela projek we inap long kamapim bikpela benefit tru long PNG. I no gat planti projek i kamapim ol kain salens na opotuniti olsem.

Projek tim na ol kontrakta na sab-kontrakta i kamapim planti wok long taim ol i kisim kontrak long Desemba 2009. Ol i pinisim wok bilong putim 407 km sab-si paipain, samting olsem 60 pesen bilong onso paipain em ol i weldim pinis, wok bilong stretim graun long dispela 3.2 km Komo ples balus i gohet na ol i traim putim pevmen, ol faundesen na stilwoks i gohet long Hides Ges Kondisening Plent, na riging-ap bilong drilling rig long Hides Ridge bai klostu i pinis na drilling bilong namba wan wel i kamap long mun Julai. LNG Plent i kamap hariap long graun nau. Ol autsait sel bilong LNG tenk i pinis na ol bikpela vesel bilong namba wan proses tren i sanap long ples bilong ol.

Tasol mipela i no skelim mipela yet long ol wok konstraksen. Wanem samting i mekim mi amamas em long helpim ol pipel na komyuniti we mipela inap long helpim. Invesmen mipela i mekim long komyuniti helt, edukesen, strongim wok bilong ol meri, envairomen na egrikalsa i wok long kamapim gutpela impek long ol komyuniti. Long taim mi harim long wanpela skul prinsipel olsem ol pikinini inap long mekim gut skul wok bilong ol bikos long ol desk mipela i bin givim, o wanpela meri i kukim ol skon na kek na salim long maket bikos long trening em i kisim long laivilihuds program bilong mipela, o dispela pesenel vaibiliti trening em planti handet pipel long ol komyuniti klostu long Projek i kisim, i wok long senisim laip bilong ol pipel, mi save amamas tru olsem mi stap insait long Projek.

Wanpela hap we mi amamas tru long en em developmen bilong ol Projek wokmanmeri bilong mipela. I gat 8,300 Papua Niugini namel long ol 16,000 pipel i wok long Projek. Bung wantaim ol kontrakta, mipela i spendim planti aua long trening na edukesen – moa long wan milien aua!

I gat planti gutpela stori tu. Wanpela eksampel em stori bilong Morea Jimmy Lohia (MJ) na Varo Varo, bilong ples Porebada na Boera husat i wok long LNG Plent sait autsait long Pot Mosbi. Tupela man ya i stat wok long LNG Plent sait wanpela yia i go pinis na i save go long trening long taim sans i kamap. Bikos long dispela, nau ol i muv i go antap long bikpela posisen long sait, dispela i soim pawa bilong tingting na strong bilong kisim moa save. Yu ken ritim moa long stori bilong dispela tupela man long niuspepa bilong dispela wik.

Long kisim moa toksave long Projek yu ken lukim website bilong mipela long [pnglng.com](http://pnglng.com) na yu ken ritim tu long Envairomen na Sosel Ripot mipela i pablisim long olgeta kwata.

Mi gat laik long harim long yupela, na wanem samting yu laik ritim long dispela kolum. Bai mipela traim long bekim olgeta askim bilong yupela, olsem na plis salim email i kam long mipela long [pnglngproject@exxonmobil.com](mailto:pnglngproject@exxonmobil.com)

Gutpela de.



# 2012 Ileksen Kaunim



## O'Neill i ken win long namba wan vot tasol

**Aja Alex Potabe i raitim**

PRAIM Minista Peter O'Neill i nau stap long mak long win long namba wan vot tasol bihain long em i abrusim olgeta 7-pela kandidate husat i ron long lalibu-Pangia Open sia.

Bihain long kaun namba 72, O'Neill i kisim 29, 512 vot. Bihain long en, bisnisman na independen kandidate, Eke Lama, i kisim 4, 701 vot na independen kandidate Raphael Noipo i kisim 4, 405 vot.

Sampela manmeri i tok em i hat long Iektoral Komisn long tokaut long wina taim ol arapela ples i no pinisim poling, tasol Iektoral Komisina Andrew Trawen i tok pawa bilong tokaut long wina em i stap long han bilong ol ritening opisa (RO).

"Sapos wanpela kandidate i abrusim 50 plas wan pesen long totol vot, orait ol RO i ken tokaut oslem em i winim dispela sia," Trwen i tok.

Long sait bilong O'Neill, sapos em i winim moa long 50 pesen plas wan pesen long olgeta vot long dispela ileksen, orait em i ken winim sia bilong lalibu-Pangia long ol namba wan vot tasol.

Tokwin i raun long sampela save manmeri olsem O'Neill i ken winim sia bilong lalibu-Pangia long namba wan vot tasol, em bai nonap kamap praim minista gen bihain long dispela ileksen.

Ol sampela save i glasim plen bilong sampela bikpela man long PNG politiks tu na ol i tok O'Neill i laik kamapim gavman tasol em bai abrus na narapela man bai kisim praim minista.

Ol i no tokaut hsuat man i ken kisim praim minista.

## Bogia kalt grup kaikai mit bilong man

**i kam long pes 1**

Ol i stap sampela taim, na bihain ol dispela lain i kamaut na ol i bungim wanpela man bilong Biam, we i stap klostu tu long Tangu misin stesen, na ol i tok olsem em sanguma man, na ol i kisim em i go katim katim em na ol i rausim ol bel rop bilong em na kaikai wantaim blut.

Em i tok bihain long ol i kilim dispela man na kaikaim bodi bilong em, ol lain na i go bek na stap long hausman bilong ol. Tasol long las wik Fonde, ol i kamaut gen na raun painim ol lain ol i sutim tok olsem ol sanguma lain.

Ol pipel long Tangu i bilip olsem taim ol i kilim man na kaikaim, em spirit nogut i kontrolim ol na ol i laik long kilim nating ol man ol i saspek tasol olsem ol sanguma, na kisim bodi bilong em i go na kaikaim.

Em i tok long las wik Fonde apinun, samting olsem 3-kilok long apinun, taim ol manmeri i redi long putim vot long Tangu misin stesin, ol dispela man bilong ples Biam i kam na raunim tupela brata i go, tasol bikpela brata i sutim daun grup lida bilong ol dispela kalt grup bilong Biam wantaim spia.

Taim bikpela brata i askim ol long go wan wan na pait, wanpela lain bilong kalt grup i hait na sutim em long katapel na em pundaun, na ol kalt grup i go na katim katim em i go liklik liklik stret.

Ol manmeri long Tangu

misin stesin i pret na ronawa nabaut. Tasol bihain, ol i laik go long ples, ol i painim dai bodi bilong liklik brata bilong man we ol kalt lain ya i kilim, na narapela man gen we ol i hangamapim antap long wanpela kakao diwai.

Long dispela kalt grup bilong Biam ol i katim nek bilong narapela man gen husat i ron long kar i go long ples. Ol i yusim bikpela sap Tramontina naip na katim het bilong man na na i kalap kalap i go na pundaun long gras na lusim bodi na maus bilong dai man na i kaikaim gras, taim lain klostu i go painim het ya.

Ripot long Tunde i tok olsem ol man long Kindi viles i bung na redi long go raunim na holimpas ol dispela lain kalt grup bilong ples Biam. Tasol, pret i stap yet.

Madang Provinsal Polis Komanda, Suprintenden Anthony Wagambie (Junia) i tok olsem polis long Madang i bin kisim ripot long dispela kain samting i kamap long Tangu.

PPC Wagambie i tok em bai salim ol ofisa bilong em long go mekim wok painimaut long dispela, tasol long nau yet planti ol polis man i stap insait long wok ileksen.

Mista Wagambie i tok tu olsem dispela birua long Tangu em pas wantaim pasin sanguma na i no ileksen hevi.

# Ol wina bilong Bogenvil long nesenel ileksen mas wok wantaim ABG

OL LAIN i winim dispela nesenel ileksen long Bogenvil i mas wok wantaim Otonomes Bogenvil Gavman (ABG) long promotim intres bilong ol pipel bilong Bogenvil.

ABG Presiden John Momis i wokim dispela toktok taim em i tok strong long samting olsem 145,000 vota long Bogenvil bilong givim vot long ol raitpela lida i gat gutpela pasin na bai wokim samting stret long helpim pipel pipel bilong ol husat i wok long kirap tasol long hevi na bagarap bilong pait long ailan.

Mista Momis i bin tok votim ol rait lida long makim Bogenvil long nesenel Palamen i bikpela samting long go het bilong rijen long kisim referendum na ful otonomi o independen long ya 2015.

"Dispela em taim we pawa i stap long han bilong olgeta pipel long dispela kantri long

makim ol gutpela lida husat bai makim gen intres bilong ABG long nesenel level," Mista Momis i tok.

Em i tok wok bilong politisen i no bilong kamapim bisnis bilong em yet o yusim opis long helpim em yet na ol wanlain bilong em., tasol sevim olgeta pipel i gat tu long em ol manmeri husat i no bin votim em.

"Politiks em i wanpela gutpela wok bikos wok we em i mekim i ken kamapim ol bikpela wok developmen bai pipel i kisim gutpela samting long en. Tasol sapos em i no mekim gut wok, na kamapim ol polisi o loa i no gutpela, em bai kilim dai planti pipel," Mista Momis i tok.

Em i tok ol lain we pipel i makim ol long kamap lida em ol i pablik sevan na ol i wok-boi bilong pipel.

"Mi tok strong long yupela pipel long makim ol lida bai tingim yupela. Dispela em i

bikpela samting. Em i no hatpela long toktok long en, tasol long mekim tru samting, em i hatpela. Olsem n a mi askim yupela wan wan vota long skelim na glasim gut ol wan wan kandidate na vot man yu bilip olsem em bai trupela sevan bilong ol Bogenvil pipel," Mista Momis i tok.

Presiden i tok olsem ol narapela wok olsem tisa, dokta, pailot na enjinia i gat ol bikpela save profesa we i save wokim ol tes na mekim gut long ol speselais eria, ol politisen i mas ansa long ol pipel bilong dispela kantri.

"Dispela bikpela wok long greduetim wanpela man long sia bilong politiks i stap long han bilong yu. Yu gat ikwal rait, maski yu kam long wanem hap, yu lapun o yangpela, yu no save long rit na rait, yu gat wankain rait long vot. Na yu tasol i gat rait long tok olsem long hamas kandidate i stap, yumi gredu-

tim dispela man, yumi ilektim dispela man long makim yumi. Dispela i bikpela samting," Mista Momis i tok.

Em i tok olsem independen Otonomes Bogenvil Gavman, ABG haus bilong Ripresentativ i no hap bilong Nesenel Palamen. Na bikpela samting long 4-pela memba bilong Bogenvil i rispektim na wok wantaim ABG.

"Em i tru olsem kandidate i win bai kamap memba bilong Nesenel Gavman, tasol dispela i no min olsem em bai gat atoriti long ABG, nogat. Kandidate i win i mas wok long wantaim ABG long promotim bes intres bilong pipel bilong Bogenvil," Mista Momis i tok.

Olsem na em i tok strong long 4-pela kandidate bai win long Bogenvil long wok long wantaim na makim pipel na Bogenvil long nesenel Palamen.

## Mekim wok stret long nem bilong kantri

**Aja Alex Potabe i raitim**


GREN Sif Sir Michael Somare i tok olgeta gavman wokman i mas mekim wok bilong ol stret na noken larim ol sampela pawa hangre man i tokim ol long mekim wok bilong ol taim ol i painim sapot bilong pipel long stap yet long pawa.

Sir Michael i tok, "Mi harim i no long asples bilong mi long Is Sepik tasol long sampela ilektoret long kantri tu olsem sampela manmeri i wok long distebim ol gavman wok manmeri long ileksen taim long mekim wok bilong ol."

Sampela bilong dispela kain pasin em i kamap taim ol prisaiding opisa i les long sainim ol balot pepa, ol ilektoral opisa i no go long sampela ples bilong vot, na sampela ol asua na hevi we dispela i surukim poling long sampela hap.

Sampela i brukim ol sil o namba bilong ol balot bokis na muvim ol balot pepa na bokis i go long ol arapela ples we em i no inap long go long en.

"Em i namba wan samting long olgeta wok manmeri bilong gavman long wok long gavman na kantri; i no long kamap wok boi bilong wanpela o tupela man tasol



Gren Sif: Gavman wokman noken wansait long ileksen taim

husat i tingting long brukim loa bilong ileksen na kisim pawa.

"Gavman opisa o ol wok manmeri blong gavman i noken wansait long wanpela kandidate long dispela ileksen taim. Ol i mas bihainim loa bilong ileksen long mekim stret ol wok bilong ol. Mi mekim dispela toktok long olgeta pablik sevan long dispela ileksen taim; i no ol ilektoral opisa tasol ol sekyuriti fos tu wantaim.

"Em tru tumas olgeta manmeri husat i vot i save long rait bilong en long vot na ol ilektoral opisa i mas luksave long dispela rait bilong ol aninit long loa long makim lida long laik bilong ol yet.

## NCD kaunim bai nonap kamap hariap

NCD bai nonap go isnait long kauning bilong ol balot pepa tete tasol ol i bai wet liklik taim tasol long larim PNGEC i peim ol poling opisa long ol wok ol i bin mekim long poling taim.

Olgeta poling opisa i no kisim poling alauwens bilong ol na hap aste planti bilong ol i bin bung long PNGEC opis long Boroko, long askim ileksen menesa long givim alawens bilong ol bipo long kaunim i ken kamap.

Ol poling opisa i tok ol i no bin kisim alauwens bilong kaikai, na ol yet i westim bikpela mani, na antap long dispela, PNGEC i hatim bel bilong ol taim ol i inap long kisim alauwens bilong wok ol

## Amamas long gutpela pasin na sapot bilong pipel long taim bilong vot

**Veronica Hatutasi i raitim**

TOK amamas i go long ol pipel bilong Westen provins long wanem, nogat trabel o hevi i kamap long provins long taim bilong kempein na nau, long taim bilong voting. Na i gutpela long ol i givim wankain sapot long taim bilong kaunim. Provinsal Polis Komanda bilong Westen Provins, Inspekta Silva Sika i tokaut olsem taim em i givim ol apdet long voting long provins.

"Tru, nem bilong planti lain i

i mekim.

Sif Iektoral Komisina Andrew Trawen i tok bihain long ol i stretim ol alauwens bilong ol poling opisa, i luk olsem ol bai go het long kaunim ol balot pepa long Fraide.

Long wankain taim, poling long olgeta hap bilong Sentral Provins i pinis, na ol bai stat kaunim ol balot pepa long Mande, 9 Julai.

Nogat wanpela bikpela hevi i bin kamap long NCD na Sentral Provins long poling taim. Olsem tasol, Trawen i singaut long olgeta kandidate na sapota long helpim ol kauning opisa na ol sekyuriti fos long larim fri, fea na seif kauning i kamap.

no stap long Iektoral Rol i bin wanpela samting planti lain i no amamas long en, pipel i no bin mekim meknais, tasol ol i go het long vot na larim wok i ron gut tasol.

"I nogat trabel o hevi na jenerel situesen long provins i kwait na orait.

"Mi tok amamas long pipel long luksave bilong ol long dispela bikpela samting long taim bilong kempein na voting. Kain luksave na sapot i mas stap long taim bilong kaunim," Inspekta Sika i tok.

# 2012 Ileksen Kaunim



## ILEKSEN HAP HAP NIUS

### Blekaut i no stopim kaunim long Manus

WAN awa blekaut long Manus ailan i no stopim kaunim bilong ol vot long Tunde nait taim Manus i statim kaunim bilong ol.

Wok kaunim i kirap long Lorengau long 6 kilok long apinun long Tunde taim laspela bokis i kamap.

Long taim namba wan kaun long ol bokis i kam long Westen Ailan, planti bilong ol kendidet i no kisim namba long dispela hap.

Long Manus, i gat 12-pela lokol level gavman na kaunim bilong Manus i bihainim dispela 12-pela LLG eria.

Leslie Rohai i bin go pas long taim bilong statim kaun long namba wan na tu LLG.

Plantu bilong ol nupela kendidet i no kisim namba long dispela tupela LLG.

Manus provins em ol namba wan provins long statim dispela Limitet Preferensal Voting (LPV) sistem long taim ol i laik makim premia bilong provins long bipo, na dispela LPV sistem i no nupela long ol.

I nogat wanpela hevi i painim ol gen, na bihain long blekaut i kamap, kaunim bilong ol i go gut tru na ol yet i tok dispela kaunim bai pinis long wiken, na ol bai save long tupela nupela memba bilong ol long faipela yia i kam.

Insait long resis bilong open, ol kendidet em, Job Pomat, Leslie Rohai, Doto Peter Petsu, na Ronny Knight.

Resis long Provinsal sia em Michael Sapau, Charlie Benjamin, Doto Pongi Kitchawen, na Wep Kanawi.

Dispela foapela ol kendidet long wanwan sia i wok long ron klostu klostu na bai yumi harim wina long dispela wiken.

- **Nicky Bernard i raitim**

### MP paraipim pistol na kisim sut tok

AMBUNTI-Drekikier MP Tony Aimo i kisim sut tok olsem em bin pairaim pistol bilong em long Nanaha ples insait long Drekikier taim em na ol sapota bilong em i bin wokim kempen long de 19 long las mun.

Wanpela kendidet bilong Ambunti-Drekikier na bipo Is Sepik LLG edvaisa Lucas Engime, i mekim dispela sut tok taim em i soim faipela katres kapa bilong pistol we em i tok Mista Aimo i bin pairaim long pistol bilong em.

Mista Engime i tok, Mista Aimo na ol sapota bilong em i bin bungim hevi long Nanaha ples bilong wanem ol i bin mekim sampela toktok long kempen bilong ol we i no stret long harim bilong ol sapota bilong em na ol narapela kendidet.

Em i tok em i bin stap long Am-

bunti long wokim kempen bilong em, na i no save long dispela long dispela birua tasol em i bin kisim toktok long kempen kodineta bilong em long sem de yet. Mista Engime i tok em i no amamas long kondak bilong rurel polis stesin komanda Sajen Ambrose Aipa na ol polisman bilong i no kisim wanpela eksen agensim Mista Aimo long tupela wik nau bihain long dispela suting insiden long em i bin ripotim.

Em i tok, i luk olsem i gat tupela Loa, wanpela bilong ol liklik manmeri na arapela em bilong ol bikman na politisen, olsem na Loa i wok long banisim ol politisen na i no ol liklik manmeri nating.

Mista Engime i askim nau PPC long lukluk na kisim sampela eksen o disiplinim ol polisman we ol i no inap karim aut stret wok bilong banisim Loa na sasim ol politisen i kosim trabel na brukim Loa. Em i tokaut tu olsem em na ol sapota bilong em bai no nap baim kompensesen i go long Mista

Aimo na ol sapota bilong em, tasol ol i bai lukluk stret long Loa long glasim dispela hevi. Mista Engime i tok strong olsem polis i mas wokim wok bilong em na sasim Mista Aimo long pairaim pistol bilong em long publik ples we i gat planti meri na pikinini i stap long en.

Tasol Mista Aimo i rabisim sut tok bilong Mista Engime, na i tok em i laisens ona bilong pistol na em i yusim pistol long poretim ol sapota bilong ol narapela kendidet bilong wanem ol i brukim kar bilong em na paitim tu meri bilong em na katim tupela sapota bilong em long busnaip.

Mista Aimo i tok em i pairaim 4-pela sot long pistol bilong wanem em i lukim olsem laip bilong em, meri bilong em na ol sapota bilong em stap long birua.

Taim em lukim ol man i kam wantaim busnaip long katim em, so long poret long laip bilong em, em i pairaim pistol bilong em.

- **Paul Fuzo i raitim**

# Kempen i pinis, tasol ol kendidet i 'hot' yet long EHP

Sape Metta i raitim

### KEMPEN na planti pairap na nois bilong 2012 ileksen em i stop nau na planti ol manmeri na pikinini bai kisim gutpela malolo na slip gut.

Taim PNG Iektorel Komisen (PNGEC) i bin tilim ol ritpepa long Fraide Me 18, 2012 ples long olgeta kona bilong PNG i bin paia stret taim ol kendidet na ol sapota i bin pulim lain i go long nominet. Na ol ino stap inap nominesin i bin pas long Fonde Me 24, 2012.

Bihain tasol long tilim bilong rit pepa, kempein i kirap na ol kendidet i kirapim tu ol kainkain pasin long pilim sapot bilong ol vota. Na ol i tromoi planti tausen kina long baim ol bia na lem fleps katen na givim ol man (hand-outs) i go long ol sapota bilong ol.

Taim ol i mekim olsem, long tingting na save bilong ol em olsem ol i 'Hot'.

Long Goroka na ol arapela sevenpela Open Iektoret long Isten Hailans em Kainantu, Henganofi, Okapa, Lufa, Unggai/Bena, Daulo na Obura/ Wonenara, ol kendidet i wok long paitim brosiol na i tok, 'Mi Hotpela Kendidet'. Na wanpela askim, sapos olgeta i hot, husat i bai kol?

Nau yet kempein taim em i pinis na taim bilong poling em kamap pinis.

Poling de em i stat long Jun 23, 2012. Ol fes lain long i go long poling em Hela na Sauten Hailans, Is Nu Briten, Nu Ailan, Manus, Wes Nu Briten, Wes Sepik, Is Sepik, Madang, Morobe, Westen, Galp, Noten, Milin Be na sampela eria long Sentrel provins.

Long Goroka Open Iektoret faipela ten wan (51) kendidet i resis, namel long ol em wanpela mama em Jenifer Mondia.

Tupela olpela MP bilong Goroka em Mathias Ijape na Bire Kimisopa bai stap long dispela resis tu.

Taim Wantok i mekim lukluk raun na skelim dispela ol kendidet, i luk olsem ol man olsem Stanley Gotaha, Ron Napitalai, Aiye Tambua, Joshua Soso, Jeffery Sasuwo, Tom Nunuwu, Moses Venapoe na Stephen Reve bai i stap long resis long top eit kendidet bilong Goroka sia.

Em ol top eitpela kendidet na olsem wanem long ol arapela 43 kendidet. Ol tu long tingting bilong ol - ol i Hot.

Wantok i go moa na skelim na luksave long wanpela kendidet husat i sanap namba wan taim long dispela Ileksen olsem em bai



**MANGILONG BLOK:** Mangi long Blok na kendidet bilong Goroka Open Aiye Tambua i toktok long ol sapota long Piswara Setelmen long Goroka. Em i gat bikpela sans long win sapos olgeta 20,000 sapota long setelmen na blok long Goroka i givim vot long em. Wining memba bilong Goroka Open Iektoret em 11,000 - 12,000. - *Ol Poto: Sape Metta.*

ron strong namel long dispela top eitpela kendidet. Na dispela yangpela man em Aiye Tambua husat i bin gro-ap insait long ol blok na setelmen long Goroka. Em i wanpela saveman tu bikos em i bin go na skul long Amerika (USA) na greduet long hap.

Lukluk long ol setla na ol setelmen long Goroka, long las tripela ten siks (36) yia ol i no kisim wanpela sevis olsem na ol i lukuk long yangpela Tambua husat ol i save olsem bai i ken bringim sevis i go dun long ol setelmen tu.

Long Obura / Wonenara - John Boito bai kisim strongpela resis i kam long ol olpela memba em Peter Gaige, Muki Taranupi, John Koigiri na fopela ten arapela kendidet. Long Kainantu- Sailon Beseo bai resis agensim faipela ten seven (57) kendidet, bikpela namba bilong ol kendidet long provins.

Long Henganofi - Ferao Orimyo bai painim hat tru long winim bek sia bilong em long wanem ol hevi wet Politisen olsem Viviso Seravo, Dr. Bahanare Bun na olpela Primia bilong Isten Hailans Robert Atiyafa bai givim bikpela resis tu long em.

Long Unggai/ Bena - Benny Allan i gat 80

pesen san long winim bek sia bilong em long wanem em i bringim pinis planti sevis i go long ol pipel na Iektoret bilong em long las tenpela yia. Em bai resis agensim tupela ten eit (28) kendidet. Sapos em win bai namba tri tem (term) bilong em.

Long Lufa - Yawa Silupa bai painim hat liklik long winim bek sia em i bin winim na istap long em long las tenpela krismas. Tupela ten eit (38) kendidet. Long Okapa - wankain olsem Silupa; PNG Pati kendidet Bonney Oveyara na long Daulo faipela ten siks (56) kendidet bai givim bikpela resist u long Kondo Patrick. Nau yet fopela ten kendidet i sanap na bai resis long Isten Hailans Riginel sit. Namel long dispela ol kendidet, tripela ekspatriet husat em ol sitisen bilong PNG bai resis gna ol igat sans long i stap insait long top siks kendidet bilong dispela resis.

Dispela ol kendidet em Mal Kela Smith, bisnisman Simon Sia na olpela politisen se Berry Holloway. Se Berry husat i bin rijenal memba bilong Isten Hailans long 1972 na igo long 1986 i lukim olsem long las tupela ten faiv (25) yias, inogat wanpela gutpela sevis na developmen igo kamap long Isten Hailans,

olsem na em i laik sanap na resis gen bikos em i laik bringim sevis na developmen igo long Isten Hailans.

Em i tok ol yangpela Lida i no mekim wok bilong ol gut na i weistim nating ol bikpela mani bilong DSIP.

"DSIP em gavman i givim aut, na planti long dispela ol fans i save go long praivet wok bilong ol MP yet na ino ol pipol. Na mi no laikim gavman long weistim nating ol fans bilong dispela DSIP", Se Holloway i tok. Long taim em i bin kamap Aiyura Nesanel Haikul long Kainantu, Elkom (nau PNG Pawa) long Yonki, Yunivesiti ov Goroka, Nesanel Spot Institut, Institut ov Medikol Resis, Goroka jenerol haus sik, Kofi Bod (nau Coffee Industry Co-operation- CIC) na ol arapela developmen tu. Se Berry i tok em igat planti ekspiriens long politiks na olsem man husat i kamapim planti wok long provins, em igat tingting long pinisim gut ol wok sapos em i win na i go bek long palamen.

Total ol kendidet husat bai sanap na resis long etpela Open Iektoret na Isten Hailans riginel em 415 olgeta. dispela em bikpela namba bilong kendidet long PNG. Long dispela 415 kendidet etpela bai long etpela Iektoret na wanpela long riginel sit ba ol arapela 406 insait bai ino nap long mekim bai luk olsem wet ken long narapela faipela yia long resis gen. nau yet Papa God tasol i save long husat ol lain manmeri bai win.

Na yumi ol man na meri mas tingting gut na makim ol Lidas bilong yumi. I nogut long yumi kaikai ol lem fleps, dring bia na kisim mani na tromoi ol vot bilong yumi. Planti toktok em i stap long planti ol manmeri olsem ol i stap long maket nau long taim bilong dispela ileksen. Na toktok ol i wok long mekim em i olsem, "Mipela i stap long maket nau, husat kendidet i laik kisim vot na namba bilong mipela, ol mas baim mipela.

Dispela em i rong long wanem ol i ken kisim baim ol na kaikai nau na ol ino tingim bihain (future) bilong ol pikinini na tumbuna bilong ol. Yumi mas makim ol gutpela lidas husat i ken bringim sevis i kam bek long yumi. Sapos yumi makim ol lidas husat bai tingim ol yet, yumi ken safa (suffer) long neks faiv pela krismas. Tingting gut na vot bikos dispela vot bilong yu bai i ken givim pawa long dispela man o meri long faipela yia.



**Yut, Meri na Famili wantaim Lorraine Siraba**

# Wok Iektorel Komisin i mekim i soim piksa bilong gavman

TAIM bilong vot i klostu pinis na yumi laik go nau long neks hap bilong ileksen. Dispela em long taim bilong kaunim.

Stat yet long taim ol rit (writ) pepa i op, yumi lukim planti hevi na trabel i kamap we i sut long ileksen. Em ol hevi olsem pait, kilim dai man, paulim, wokim braiberi, stilim na yusim krangi pablik mani. Moa komplek i bin kamap long las wik na dispela em nem bilong planti pipel i no stap long Iektorel Rol. Olsem na ol i no inap vot. Na tu, hajjekim ol balot bokis, taim bilong vot em ol i surukim na ol kain hevi olsem we pipel i no amamas.

Na planti ol tok sut na tromaom ol toktok long ol hevi i go long Iektorel Komisin. Taim em i isi long tromaom toktok long wanpela lain o ogenesesen, yumi save lusim tingting olsem Iektorel Komisin em i han bilong gavman i karimaut ol wok na taim ol wok i no go gut, dispela i soim piksa bilong kain gavman i bin stap taim ol i givim auto I rit (writ) pepa. Mi no stap long sait bilong Iektorel Komisin, tasol, bikpela samting em long glasim trupela samting. Pastaim, bikpela wok long putim nem bilong moa long 4 milien pipel long databeis o reko-tim long kompyuta. Insait long 5-pela krismas we laspela ileksen i bin kamap i kam inap nau, sampela samting i sapos long kamap. Em long, planti pipel i dai pinis, planti ol yangpela pipel i bin gat 14 krismas i gat 18 na moa krismas na ol inap long vot, sampela pipel i lusim ples ol i stap long en na muv i go long narapela ples. Ol dispela samting i givim hetpen long apdetim ol komon rol. Dispela em bikpela wok, tasol nogat inap mani long karimaut ol.

Ogenesesen bai no inap karimaut gut wok sapos em i kisim liklik sapot long bildim wok na ol wok manmeri bilong em long karimaut gut wok. i no Iektorel Komisin, tasol planti ol narapela gavman institusen i save operet wantaim liklik helpim. E mol dipatmen olsem Polis, Koreksenenel Institusen, ol Difens Fos lain we ol i bungim ol risos bilong ol wantaim na salim ol i go antap long lukautim sekyuriti antap long Hailans Rijjen taim ol narapela hap bilong kantri i nogat.

Tasol i gat sampela gutpela sait long dispela ileksen tu. Em bin namba wan taim long ol disebol lain long vot. Na moa meri i bin sanap olsem ol kendidet long resis wantaim ol man. Tasol midia i no mekim karim inap ol stori long pablik i ken lukim na save. Em i bikpela samting long ol meri i go insait long politiks na serim wok long mekim ol bikpela disisen bilong kantri na i moabeta long midia i putim ol stori long ol wok we ol meri i mekim long em. Long dispela rot, dispela i promotim tu ol meri.

I moabeta long midia long lukluk na putim ol stori na wok long ol man na meri kendidet wantaim. Long dispela rot, bai yumi rausim banis i stap na dispela tu bai promotim gutpela, seif na fea ileksen.



**KATIM ANIVESARI KEK:** (L-R) Wanpela mama i katim 45 krismas anivesari kek bilong AMU long Pot Mosbi Angliken Daiosis wantaim tripela long ol namba wan mama long daiosis i bin joinim grup long yia 1972. Em long Mada Laura Matawan, Mada Hega Gegera na Mada Blanche Yogomin. **Poto: Andrew Molen**



## PNG SUSTAINABLE DEVELOPMENT PROGRAM LTD



### Ebia Olewale: Laip bilong em long givim sevis

WANPELA ples mangi huset i kamap wanpela long ol namba wan papa bilong kantri! Ol bikpela wok kamap bilong leit Sir Ebia Olewale. Mi amamas tru long givim stori long dispela wik long tingim wanpela gutpela bikman tru. Long tingim leit Deirekta bilong mipela, PNGSDP i bin givim mani long pablisim wanpela buk, taitol bilong em Ebia Olewale: A Life of Service, we i bungim stori bilong laip bilong Sir Ebia. Dispela buk em i wanpela rekot bilong laip em i givim long kantri bilong Papua Niugini, na i makim tru kamap bilong wanpela kantri long pasin tumbuna long bipo, inap em i kamap hap bilong wol komyniti bilong tude.

Maski Sir Ebia i no bin stap taim wok risets long dispela buk i go het, planti ol tingim bek stori i kam long ol wanfamili, warwok, ol pren na ol stori ol i bin raitim bipo, i givim gutpela stori tru long ol wok kamap em i mekim long 68 yia laip bilong en. Mama i karim Sir Ebia long Februari 21, 1940 long Kiwai ples Tureture (we bihain, em i bin suruk i go long Kunini) long ples we ol i bin save olsem Westen Divisen bilong Australia Teritori bilong Papua Niugini. Em i bin skul long praimeri skul ol misinari bilong London Misin Sosaiti (LMS), na bihain em i bin pinisim hai skul long Daru. Wankain olsem ol Kiwai tumbuna bilong em, husat i bin ol lain bilong painim ol nupela ples, Sir Ebia i bin raun long Daru i go long Pot Mosbi long pinis bilong 1956 long go het wantaim sekonderi level edukesen long 1957 long Sogeri Sekonderi Skul. Em i bin statim skul long Pot Mosbi Tisa Koles long 1964.

Buk i stori long ol yia bilong em insait long tisa koles, na lidasip em i soim olsem Presiden bilong Tesari Studens Federesen, na membasip bilong em long Buli Bif Klub wantaim ol arapela sumatin olsem Michael Somare, Albert Maori Kiki, na Joseph Nombri. Rot bilong em i go long politiks i bin kirap yet long hai skul bilong em, taim wanpela tisa i bin krosim klas bilong em na tokim ol olsem ol bai no inap mekim nem long wanpela samting. Dispela tok i sutim tru bel bilong Sir Ebia, na em i tok promis long em yet olsem em bai wok hat long kamapim senis bilong ol pipel bilong em. Dispela buk i stori long ol kontribusen em i mekim olsem wanpela memba bilong Haus ov Asembli, ol ministerial potfolio na win bilong em na ol warwok bilong em i mekim long kamapim nesenel indipendens. Em i kisim luksave bilong Kwin long 1982 long ol 'sevis em i givim long politiks na gavman'. Sir Ebia i bin kisim wok long Bod bilong PNGSDP long 2003. Mipela i tingim em yet na sore tru long gutpela amamas pasin, stretpela toktok na bilip em i gat long developmen i go long ol pipel bilong Papua Niugini, na ol pipel bilong asples bilong em, Westen Provins. Stap bilong em long Bod bilong PNGSDP i givim bilip long ol pipel bilong Westen Provins, olsem laik bilong ol i stap long narapela brata huset i makim ol pinis longpela taim.

Mi bin gat sans long wokbung wantaim dispela bikman, na mipela olgeta ol warwok long PNGSDP Bod i bin kirap nogut tru long dai bilong em long Janueri 2009. Mipela no inap long lustingting long halivim ol kain lida olsem Sir Ebia i mekim, bai mipela i ken lukim ol gutpela bilong wanpela fri kantri, olsem yumi gat tude. Wanpela tok daunim long hai skul tasol i bin strongim em long sanap na strongim ol pipel bilong em Inap mipela olgeta i gat wankain bilip long tanim sindaun nogut i kamap ol gutpela wok.

Mi amamas long stap insait long wok bilong kamapim dispela buk bai ol arapela i ken ridim na givim luksave long en. Moa yet, i gutpela bilong ol skul na koles long luksave long en. Dispela buk em i wanpela piksa bilong 68 yia bilong wanpela man, na kontribusen em i givim long histori bilong PNG. Mipela i tok tenkyu long man i raitim dispela buk, Dokta Jonathan Ritchie, husat i bin wok strong tru long bungim ol dispela stori long laip bilong Sir Ebia Olewale. Em i wanpela gutpela buk, we nau i stap long pablik aninit long lukaut bilong Bukstoa long Yunivesiti bilong Papua Niugini.

I kam long tebol bilong CEO (Article #24 of 2012)



CEO: David Sode



# Askim long sapatim ol polis, ami na woda i givim sekyuriti

ASKIM i go long ol manmeri long dispela kantri na insait tu long ol komyuniti long helpim daunim ol hevi inap kamap long ol tisa na ol sumatin long dispela taim bilong ileksen.

Dukesa Sekreteri, Dokta Musawe Sinebare, taim em i wokim dispela toktok i tok olsem tem 2 skul malolo bai kisim tupela wik na i bin stat long Mande Jun 25 bai pinis long Julai 6 tumora. Dispela em bikos taim bilong vot i wok long kamap na ol polis, ami na ol Koreksenel Sevis lain bai yusim ol klasrum long sampela skul insait long kantri long slip long en na mekim wok long lukautim ileksen wok i ron gut.

Dokta Sinebare i tok

long slip long ol skul bilding, em bai kostim K500 long wanpela nait.

Olsem na em i tokim gen ol skul, ol institusen na Edukesen Dipatmen long helpim na larim ol Polis, PNG Difens Fos na Woda lain i yusim ol klasrum na skul bilding long taim bilong skul malolo long Tem 2.

"Ol polis, CIS na PNGDF bai muv olsem wanpela skwat i gat 35 man. Sapos wanpela skwat i stap wanpela nait long wanpela skul bilding, ol Polis, CIS na PNGDF lain bai peim K500," Dokta Sinebare i tok.

Em i tok tu olsem ol tisa i ken mekim wok olsem ol volantia long dispela ileksen long taim bilong skul malolo i stap long eduke-

sen kalenda.

Dokta Sinebare i singaut tu long ol papamama na ol was papamama long was gut long sefti na sekyuriti bilong ol pikinini bilong ol long dispela taim bilong nesenel ileksen.

"Ol papamama na ol was papamama i gat rait long pasim ol pikinini long noken go skul sapos ol i pilim na lukim olsem trabel na hevi bai kamap," Dokta Sinebare i tok.

Taim Dokta Sinebare i askim ol tisa na ol stekholoda long wok bung bilong banisim hevi na trabel i nap kamap long ol tisa na ol sumatin, em i askim tu ol manmeri bilong dispela kantri long putim ripot i go long polis sapos ol i lukim sampela lain i laik

kamapim hevi long ol sumatin, ol tisa na ol samting bilong skul olsme ol skul bilding nas ol klasrum samting.

Dokta Sinebare i tok bihainim Sekula o pas namba 14/2012, ol skul we ol bin gesetim bilong yusim olsem hap we ol bai mekim voting long ol, o we ol polis, ami na woda bai yusim olsem ples bilong slip, em ol i mas larim ol i yusim. Tasol em i tok ol kendidet o politikel pati i noken yusim ol skul graun long karimaut ol kempein na wok bilong ol.

Na em i askim ol tisa, ol het tisa na bot siaman long noken soim sapat long wanpela kendidet o politikal pati, tasol stap namel (neutral) na ol samting bai ron gut tasol.

## Ol PAU paionia nes bilong ol mama go aut long ol rurel klinik

TWENTI faiv (25) sumatin meri bilong Pasifik Adventis Yunivesiti (PAU) ausait long Mosbi siti i statim wanpela paionia progrem wantaim helpim bilong AusAID skolasip long go aut mekim prektikel wok long ol rurel klinik long kantri.

Long Mande Jun 25, 25 meri sumatin i kisim "Midwifery" kos long PAU i bin go aut long tripela rurel klinik long mekim wok prektikel long wanpela mun.

Ol rurel helt senta ol i go wok long en em long Hula na Moreguina long Rigo Distrik long Sentrel Provins, na Alotau long Milen Be Provins.

Midwifery kos em kos we ol sumatin i skul long lukautim na helpim ol mama i gat bel, na tai mol i karim nupela bebi.

Ol dispela sumatin em ol namba wan lain long kisim helt skolasip long AusAID na ol i givim aninit long Skolasiup PNG i patna wantaim PAU.

Bosman bilong Skul bilong Helt Saienses long PAU em Nina Pangiau i tok em i amamas tru long ol meri sumatin na sans long kisim ol skolasip we bai

strongim PAU long developim ol yangpela meri husat i ken mekim gutpela kontribusen long midwifery long dispela kantri.

Wantaim strongpela laik na tingting long yusim ol save ol i kisim long klasrum, ol wan wan sumatin i go aut long misin bilong ekspiriensim prektikel midwifery long ol rurel komyuniti long kantri.

Ol i brukim ol sumatin long 5-pela tim na ol bai putim ol long ol wan wan klinik na ol ples ol i raun mekim wok long ol, ol etpos na ol narapela komyuniti we i stap klostu long ol klinik ol sumatin bai wok long en.

Ol dispela skolasip e mol hap bilong helpim progrem bilong Australia konmitmen long gavman bilong PNG long strongim lidasip, save na ol teknikel skil i go long ol teseri institusen na ol narapela ogenaisesen husat i sapatim sastenebol developmen.

Askim i go long ol yangpela manmeri husat i gat bikpela tingting long kontribuit long sosel na ikonmik developmen bilong PNG long aplai long ol dispela Australia Awod skolasip.

## Ol Bom sumatin soim naispela welkam

James Kila i raitim

INSAIT long planti ol ples na rurel komyuniti taim i gat ol nupela lain o taim ol bikman bilong gavman i go long ples bilong ol, ol skul sumatin i save mekim sampela kain spesel welkam.

Long las wik, ol sumatin bilong Bom Elementeri skul long Bugati eria long Astrolabe Be LLG i mekim wankain pasin.

Ol sumatin bilong Bom elementeri skul wantaim tisa bilong ol i mekim wanpela naispela welkam tru taim ol i apim fleg na bihain ol i tokaut long nesenel plejs. Bihain long dispela, ol sumatin i mekim sampela danis fran long ol lain husat i bin go raun long ples bilong ol.

Long las wik Fonde, ol pipel bilong Bom viles i bin redim wanpela gutpela progrem tru we i lukim tripela rais teknikal save-man bilong Japan i bin mekim lukluk raun bilong ol i go long ol rais gaden bilong ol na tu i bin go bung wantaim ol long ples bilong ol.

Planti ol sumatin bilong elementeri skul long Bom i save bihainim ol papamama bilong ol long groim rais long gaden, na ol i amamas long dispela luk-



APIM FLEG: Ol Bom elementeri skul sumatin apim PNG fleg long nambis long ples. Foto: James Kila

luk raun bilong ol lain bilong JICA

Tripela teknikal save-man bilong Japanis Intanesenel Koporesen Ejensi (JICA) i bin kisim gutpela welkam tru taim ol i bin go mekim lukluk raun bilong ol long ol smolholda rais projek insait long Bom eria long Astrolabe Be, Madang provins.

JICA i bin helpim long promotim smolholda rais prodaksen stat long 2003 i kam inap nau insait long ol extensen program bilong en long tripela provins

long PNG, em long Madang, Is Sepik, Manu na Milen Be provins.

Dispela JICA delegesen husat i bin mekim lukluk raun i go long Madang em Dokta Hiromitsu Iwamoto, husat em tim lida na em yet em Projek Fomulesen Edvaisa. Tupela arapela em Noriyuki Ito, em asisten teknikal ofisa bilong JICA PNG Ofis na Tatsuo Fujita, husat em sif edvaisa long sait bilong extensen trening na menesmen, na man husat i gat moa save long rais.

Dipatmen ov Agrikalsa na Laipstaipstok (DAL) Fud Krop opisa, Mary Lillah i bin bihainim ol dispela lain JICA ofisa long lukluk raun bilong ol i go long ol smolholda rais gaden long Erima na i go olsem long Bom. Ol i statim lukluk raun bilong ol long Erima we ol i go lukim rais gaden bilong Denmark Taraba, na bihain ol i go long gaden bilong Daniel Abuta long we em i brukim graun pinis long planim rais bilong em.

## Lynden Air helpim ol Saut Flai pipel i bungim hevi long bikpela ren

PNG i wanpela kantri long Pasifik i save bungim ol hevi long ol naturel disasta olsem graun i bruk long bikpela ren, guria, solwara i solap na bikos long ol dispela, pipel i save bungim ol kain sik na sot long kaikai.

Long dispela wik, ol pipel bilong Saut Flai distrik long Westen Provins we bikpela ren na taitwara i bagarapim ol gaden kaikai bilong ol i bin kisim helpim long ol kaikai samting taim wanpela balus kampani i helpim Nesenel Disasta na Imejensi Sevis (NDES) long peim kos bilong balus haia na kisim ol rilif o helpim saplai kaikai samting long Mosbi i go long Westen Provins.

Nem bilong balus kampani em Lynden Air Cargo PNG na em bin givim K60,000 i go long NDES

opis long sataim wanpela hekules balus bilong Lynden Air long kisim namel long 14 na 20 ton kaikai olsem kontribusen long helpim wok long Saut Flai hevi.

Taim NDES Dairekta, Martin Mose, i autim tok tenkyu bilong em i go long presiden bilong Lynden Air Cargo PNG, Greg Vaughan, em bin tok dispela gutpela sapat bilong Lynden Air bai helpim gut opis bilong ol long salim ol rilif saplai i go long ol pipel long Westen Provins husat i bungim hevi long kaikai sot, sik na ol narapela samting bikos long bagarap bilong bikpela ren na taitwara.

Em i tok moa olsem Lynden Air i kamapim gutpela piksa samting taim em i helpim nesenel gavman na kantri.



PUTIM OL KAGO LONG BALUS: Wanpela foklif draiva i wok long lodim ol kaikai kago i go insait long balus na bai kisim i go long Saut Flai eria, Westen Provins. Foto: NDES Midia desk

**WANTOK**  
Niuspepa Bilong Yumi Ol PNG Street

Salim pikinini bilong yu i go long skul long gutpela bihain taim bilong em. Wantok Niuspepa i sapatim Yunivesel Besik Edukesen (UBE).



# Amamasin 45 yias long Angliken Madas Yunien

**Veronica Hatutasi i raitim**

OL MAMA grup bilong ol sios long dispela kantri na long wol tu i save strongim ol yet na mekim samting long helpim ol famili, sios na komyuniti bilong ol.

Angliken Madas Yunien (AMU) grup long Pot Mosbi Angliken Daiosis i bin selebretim 45 krismas bilong ol long Fraide Julai 22, long Holi Famili Sios long Hohola, Nesenel Kapitel Distrik.

Grup em i hap bilong wanpela intanesenel i stap long moa long 100 kantri long wol we Angliken Sios i stap na wok long en. Tasol long Pot Mosbi, AMU grup i bin stap na kirapim wok bilong em pinis 8-pela krismas pastaim

na PNG i kisim indipendens bilong em. Dispela i putim yia we AMU long Mosbi i kirapim wok long Mosbi long 1967.

I kam inap tude, AMU long Mosbi i gat namel long 150-200 memba husat i skruim wok bilong ol yet long famili, komyuniti na daiosis level.

Grup i wok long isi kisim sampela ol yangpela memba na dispela em i gutpela mak bikos ol yangpela mama na ol meri bai skruim wok taim ol lapun mama i go pinis.

Sampela ol mama i bin staim AMU long Mosbi i stap laip yet taim liklik lain i go pinis na sampela i go bek sindaun long ol wanwan ples bilong ol.

Long dispela taim, ol AMU memba i save lainim planti gutpela samting long skruim

save bilong ol na ol i ken lukautim na skulim gut ol yet, ol famili, komyuniti na kantri.

Aninit long ogenaesen bilong ol, ol i save gat ol trening woksop long somap, kuk, kisim skul long helt na haijin bilong mekim ol samting we bai stopim ol pikinini i kisim sik na gutpela lukaut na sindaun i ken stap long famili na tu, go insait long ol literesi skul we ogenaesen na sios i putim kamap.

Sampela long ol bikipela o as tingting we AMU i sanap long em long lukautim na kamapim ol gutpela famili, skulim gut ol pikinini na ol yangpela na ol i ken groa aninit long gutpela Kristen skul na pasin, na helpim ol lain i stap long hevi na tu, ol dispela i gat nit. Aninit long

dispela, ol AMU i save wokim raun i go long haus sik, ol famili i stap long wari na hevi na haus kalabus.

Long selebretim 45 krismas bilong ol, ol AMU long Pot Mosbi Daiosis i bin wokim spesel lotu sevis long Holi Famili Sios long Hohola na bihain long em, ol bin bung kaikai na katim wanpela bikipela 45 anivesari betde kek.

De i bin go gut na ol toktok we Saplen, Pater John Dobubagi wantaim Presiden bilong AMU long Mosbi, Louise Werner i bin mekim i bin givim ol tingting long strongim ol na skruim wok i go moa long dispela taim we ol kain hevi i wok long kamap insait long ol famili, komyuniti na kantri.



## LUKLUK I GO ANTAP

TUDE mi wokim wanpela stori bilong wanpela maniman o milionea. Em i gat planti mani tumas olsem na em i no save bai em i mekim wanem long olgeta mani bilong em?

Em i gat planti naispela haus, planti kar bilong famili na planti kar bilong wokim bisnis (PMV) na i gat tripela balus bilong famili bilong em yet. Em i stap long tripela stoa haus bilong em.

Wanpela nait, em i no nap slip gut. Em i wari na tingting planti, bai em i mekim wanem long tripela 50kg bek pulap long mani K100, K50, K20 na K10 pepa mani insait long kapbod.

Long moning em i kirap long 10 klok. Taim em i opim windua bilong em na lukluk i go daun long graun, em i lukim planti manmeri, yangpela na pikinini i stap. I luk olsem ol i nogat samting.

Olsem na em i tokim em yet; **"Nau mi save long yusim dispela tripela 50kg beg bilong mani. Ating bai mi trom we i go daun long graun na larim ol manmeri na yangpela na pikinini i resis long kisim"**.

Em i go bek long kapbod bilong em, rausim tripela bek bilong mani. Em i no opim bek na rausim mani. Nogat. Em i tromwe tasol bek i go daun long graun. Taim dispela tripela bek i pondaun long graun, bek i bruk. Olgeta pepa mani i flai nabaut nabaut.

Taim manmeri i lukim mani i flai nabaut antap long graun, olgeta i resis long kisim long laik bilong ol yet. Maniman i amamas long lukim olgeta manmeri na pikinini i resis long bungim mani. Olgeta i bisi long bungim mani na olsem i nogat wanpela bilong ol i lukluk i go antap long painim aut, olsem wanem dispela mani i bin pondaun. I nogat wanpela tru!

Em i amamas pinis long lukim ol, nau em i go insait long rum bilong em, i gat wanpela bek i pulap long grevel. Kapenta i bin fixim toilet na sawa rum na lusim i stap.

Hariap tru em i kisim dispela ston na sanap long windua na kapsaitim olgeta ston i go daun long ol manmeri. Planti bilong ol i kisim planti bagarap long het, han, pes na narapela hap bilong bodi bilong ol. Taim ol i kisim pen na bagarap long ston, **olgeta i lukluk i go antap, painim aut husat i bin trom we ston i go long ol**.

Stori i soim piksa long laip bilong manmeri bilong dispela graun. Taim yumi gat planti samting, yumi save **lukluk i go daun** tasol long olgeta samting bilong dispela graun. Em i taim bilong amamas. Ol i no wari long God husat i bin givim olgeta gutpela samting long ol. Ol i no save lukluk i go antap long God husat i bin givim olgeta gutpela samting i go long ol.

Tasol taim ol i bungim hevi olsem pikinini i sik, o ol yet i sik o narapela wantok o famili memba bilong ol i bungim hevi, long dispela taim ol i **lukluk i go antap**. Sapos ol i no bin go lotu o prea miting na narapela spiritual aktivitis, - **taim ol i bungim hevi o bungim indai bilong ol (olsem ston i hitim ol), ol i bai hariap singautim Pater i kam blesim dai man o wokim funeral service long haus lotu. Tasol dispela man o meri i no save kam lotu? Olsem wanem?**

Pater Bernard Aikako MSC, indai pinis, bipo wok peris pris long Gerehu i bin tok long blesim ol daiman i no save kam lotu tasol wokim funeral sevis, EM it ok: **Noken wari. Yupela i bringim indai man i kam long haus lotu, bai mi rausim lang (flies) blesim tasol. God bai wokim disisen long em"**.



PMAMU: Ol memba bilong Pot Mosbi Angliken Sios Madas Yunien i kamaut long sios sevis na bung pastaim long selebretim 45 anivesari bilong ol.

# Werner kirap nogut i gat wokboi kamap yet long Amerika

JUSTICE o givim luksave long pipel olsem ol i wankain na wokim gut long ol (Justice and righteousness) em het tok bilong Intanesenel de ov Preia bung we Presiden bilong Pot Mosbi Angliken Madas Yunien (PMAMU), Louise Werner, i bin stap na kam bek long em long las wik.

Dispela i save kamap bihain long 5-pela yia na long dispela yia, em bin kamap long Nu York, Amerika.

Samting olsem 250 sios lida i makim 100 kantri i bin stap insait long 8-pela de bung i bin stat long Jun 10 na pinis long de namba 17.

Tripela meri i bin makim PNG. Sampela meri tu i bin makim ol narapela kantri long ol liklik Pasifik Ailan kantri olsem Fiji, Niue, Tonga, Kiribati, Vanuatu, Samoa, Solomon Ailan, Nu Silan na Australia.

Mis Werner i tok dispela bung i bin gutpela stret na long sampela ol woksop i bin



KIRAP NOGUT: PMAMU, Louise Werner

kamap, ol bin glasim ol strongpela meri long Baibel olsem Hega, Ruth, Serah na moa.

Wanpela samting we Mis Werner i bin kirap nogut tru long lukim long bikipela na develop kantri olsem Amerika em pasin we sampela ol

bikipela faktori i no mekim gut long ol meri woklain i kam long ol narapela kantri.

"Mipela i bin raun lukluk long ol ples we ol maigren meri i wok long en na mi kirap nogut stret long lukim olsem ol i no wokim gut ol meri i wok long faktori i save mekim ol plastik.

"Ol i no save larim ol meri i go long toilet bikos sapos ol i lusim lain we ol i sanap, bai wok i bagarap. Na taim wanpela meri i lusim na go long toilet, ol save rausim hariap tasol wantaim nogat toktok.

"Ol maigren meri we mipela i lukim i kam long ol kantri long Esia, Saut Amerika, Cuba, Puerto Riko na Malaysia.

Long wankain taim, Mis Werner i bin mekim klia ol wok na samting bilong ol Madas Yunien. Em long:

- Bihainim na strongim ol Kristen skul;
- Skulim redim na staim ol yangpela long wokim

Kristen marit;

● Bringim ap ol pikinini long gutpela Kristen laip. Tude em i hat tasol ol mama i wok strong long mekim dispela wok

● Pre, wosip na felosip wantaim

● Lukim olsem ol samting insait long sosaiti na komyuniti i gutpela long ol pikinini i groap long en; na

● Helpim ol dispela i gat nit, hevi na raun lukim, pre na givim ol samting long ol sik manmeri long haus sik, haus kalabus.

Mis Werner i tok sampela ol bikipela salens we yunien i bungim long karimaut gut wok em mani, hevi long dring na spak na kisim spakbrus we i wok long go bikipela long dispela taim.

Long neks mun, ol PMAMU bai bungim ol narapela susa bilong ol long olgeta hap bilong PNG insait long bikipela bung bilong ol long Kimbe, Wes Nu Briten provins.



GO PAS: Ol Mama i putim naispela Tapa klos na go pas kisim pater na ol alta meri i go aut bihain long misa lotu.



# KOMENTRI

## Ol luslain noken mekim trabel

WATPO bai yumi pait na mekim trabel sapos kendidet mipela i sapotim i no win?

I tru olsem sapot yumi givim, em yumi laik lukim i karim kaikai. Tasol mekim trabel, na bagarapim gutpela wok, em i no rot bilong kamapim dispela.

Planti manmeri long kantri bilong yumi i save pinis long hevi bilong paul pasin.

Sapos wok i no ron stret, bai kaikai bilong dispela wok, i nogat gutpela karim.

Nau yumi lukim sampela ol ples i go het pinis long kaurim ol vot bilong pipel, na i no long taim, bai yumi save long pinis bilong ol dispela bikpela wok ileksen.

I gat kain kain sut toktok i wok go kam pinis long ol lain i go pas long mekim wok ileksen, na turangu ol lain long ilektoral komisin i wok long kisim planti belhat na kros.

Nau ol i wok long paitim ol ileksen opisal.

Tasol watpo na i gat ol provins long kantri, we wok kempen i ron gut, ol kendidet i wokbung na kempen wantaim, na i nogat wanpela hevi i kamap long taim bilong vot?

Na watpo i gat ol arapela hap long kantri i lukim bikpela trabel, krai na birua i kamap long ol manmeri?

Dispela ol kain pasin trabel, em i no kamap long ol wok i no kamap gut. Nogat.

Em i kamap long sting pasin bilong ol manmeri yet.

Sapos trabel i kamap namel long ol sapota, em i kamap long han bilong ol lida i kisim ol dispela sapota long sapotim em.

Sapos kendidet em i lida trutru, em i no nidim ol kain man nogut, o haitpes man o stilman long soim strong bilong em.

Pasin lida, i no nidim mani, o i no nid long soim olsem em i gat mani long pulim laik na luksave bilong pipel.

Pasin bilong yusim mani, em i pasin bilong givim giaman maus na pes long ol arapela manmeri.

Yumi vot pinis, na namba bilong ol vot, na strong bilong ol tasol, bai soim trupela tingting bilong ol pipel.

Sapos yu kendidet i ron, i givim bikpela hatwok, taim na mani long resis, orait, yu mas tingim olsem win bilong yu, nau i stap long strong bilong yu olsem lida, na sapos ol pipel i lukim dispela strong bilong yu.

Sapos ol i lukim tasol mani bilong yu, bai ol i no aipas nating na givim vot.

Ol i save pinis olsem sapos yu kamap memba, bai ol i no inap lukim pes bilong yu gen.

Olsem na sapos kendidet bilong yu i no win, em i orait. Noken mekim trabel nating.

## Kabwum distrik kaunim go het gut

Paulus Tali i raitim

WOK poling insait long Kabwum i ron gut na i nogat planti asua taim ol pipel long hap long foapela LLG i givim taim tru long tromoi vot bilong ol.

Kabwum i gat foapela lokol level gavman eria, em Selepet, Komba, Timbe, na Yus.

Ripot i kam long wanpela lida bilong Timbe, Sailas Poyoipe, husat tu em man i lukautim welpel bilong ol Kabwum pipel long Lae siti.

Mista Poyoipe i tok maski ples em maunten na baret, ol pipel i givim taim long kamap long wanwan poling ples na vot.

Wantok Niuspepa, i bin kisim tok i

kam long Kabwum stesen olsem planti i no vot, tasol em i no mekim tubel long ol long kamap long vot.

Kabwum i bin klostu pinisim vot bilong en long asde, Trinde, na bai lukluk long kaunim bihainim ol ilektoral opisa i go pas long Kabwum distrik, bai wanem wokabaut nau bilong kaunim.

## Wau polis go bek wok

Paulus Tali i raitim

POLIS long Wau i go bek long wok pinis, bihain long ol i bin stopim wok bikos ol i no kisim pe bilong ol.

Ol i bin stopim wok bihainim lokim bilong olgeta balot bokis insait long Wau polis stesen, na ol i singaut long polis dipatmen long ol i mas stretim alawens bilong ol long ol i karimaut wok poling

long Wau.

Ol i bin tok alawens o pe bilong ol long Wau i mas K200 long wanwan de, tasol dispela manimak i no kamap.

Eking Polisi Komanda, Sif Inspekta David Warap, i tok em i lukluk moa long ol polis opisa i mas kisim pe pastaim long ol i go aut long mekim wok poling.

Sif Inspekta Warap i tok em bai tok-save long Wau Polis Komanda, Sajen

Gibson Damboli i mas givim nem bilong ol polis opisa husat i tekpat long wok poling, bai ol i ken kisim pe.

Inspekta David i tok em bai kisim nem bilong ol polisman i go long Pot Mosbi, bai nem bilong ol i ken go insait long ol pe buk bikos ol bai wokim bikpela wok tru long Wau, long kamapim gut ileksen.

## Gesel na Rabaul distrik redi long kaunim

Michael Novingu i raitim

POLING long Gesel na Rabaul distrik long Is Nu Briten bai pinis tude, na bai ol i redi long kaunim long kirap long Mande long wik bihain.

Ritening Opisa bilong Gesel Distrik, Ekonia Wallom, i tok olsem faipela LLG long distrik bilong em i pinsim poling bilong ol pinis long las wik Sarere.

“Ol balot bokis mipela i karim i kam aninit long strongpela was bilong polis na lokim long Kerevat polis stesen redi long kaunim long Mande wik bihain,” em i tok.

Em i tok wanpela wod long Napapar Namba 1 ples poling i go het nau.

Moa yet em i tok bikos ol memba bilong SDA sios i no vot long Sarere, olsem na ol bai vot long Mande.

Mista Wallom i tok olsem trening bilong ol kaunim woklain na skrutinia bai kamap long dispela wik Fraide, na Sarere dispela wik redi long kaunim bai stat neks wik Mande.

Long wankain taim, em i tok Gesel distrik i no lukim hevi i kamap long stopim ol manmeri long vot taim poling i stat tupela wik i go pinis.



Published Weekly, Thursday, for Word Publishing Company, Ltd.

P.O. Box 1982, Boroko, NCD  
Papua New Guinea

Telephone: (675) 325 2500

Fax: (675) 325 2579

Email: [editorial@wantok.com.pg](mailto:editorial@wantok.com.pg)

Pe bilong wanpela yia  
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager  
Elizabeth Konga

Editor  
Neville Choi

Published at  
Able Building Complex,  
Sec 58 Lot 02,  
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

# Narapela bot wantaim moa long 100 pipel i askim halivim

**O**L ATORITI bilong Australia i putim wanpela singaut i go long olgeta sip klostu long Christmas Island long painim narapela bot bilong ol asailam sika i bungim hevi long solwara.

Brodkas bilong Australia Maritaim Sefti Atoriti i tok olgeta sip insait long eria we bot i bin salim wanpela 'distres kol' i stap insait long 50 notikal mail saut bilong Sunda Strait, arasait long Indonesia. AMSAR i tok em i kisim sampela ripot long dispela singaut, tasol em i bilip bot i karim samting olsem 130 na 180 pipel. Minista bilong Hom Afes bilong Australia, Jason Clare, i tok wanpela Australia patrol bot nau i wok long ron i go long dispela eria.

## Strongpela guria long Nu Silan

**STRONGPELA** guria i bin sakim sampela hap bilong Nu Silan wantaim tu Wellington, kapi-tel bilong kantri. Ol Nu Silan jiolojis i tok strong bilong guria i bin 7, tasol US Jiolojikal Sevei i makim long 6.2. Ol i bin pilim dispela guria, stat long Bay ov Plenty long ol Not Ailans, we ol i pilim tu long Dunedin long Saut Ailan. US Jiolojikal Sevei i tok guria i bin stat 236 kilomita aninit long graun, na samting olsem 173 kilomita long not-wes bilong Wellington. I no bin wanpela tokaut o tok lukaut bilong sunami. Steve Sherburn bilong Jiolojikal na Nuklia Saienses long Nu Silan, i tok i nogat ripot long bikpela bagarap o pipel i bungim hevi na bagarap long en. Wanpela guria long strong bilong 6.3 long namba tu bikpela siti bilong Nu Silan long mun Februari long yia i go pinis i bin bringim daun ol opis blok na ol bilding i pundaun antap long pipel, husat i bin go aut long belo kaikai na kamapim dai bilong 185 pipel. Nu Silan i sindaun antap long samting ol i kolim 'Ring of Fire', em i boda mak bilong Australia na Pasifik Tektonik plet, na kantri i save pilim i go nap long 15,000 guria long wanwan yia.

## O'Neill i luk olsem em bai winim sia bilong en long nesenel ileksen

**DISPELA** tokaut i kamap bihain long bos bilong PNG Ilektoral Komisin, Andrew Trawen, i bin bekim ol wari bihain long sampela provins i stap long kaunim ol vot, ol narapela i no stat yet. Long Trinde, ol i bilip risal bilong ilektoret bilong keteka praim minista, Peter O'Neill, bai ol i tokaut long en, taim tripela arapela provins, vot i no stat yet. Insait long wanpela midia konfrens long Tunde, Ilektoral Komisina Andrew Trawen i bin tok loa bilong PNG i tok klia olsem kaunim bilong vot bai stat taim vot i pinis. "Na dispela em i rot mipela i wok bihainim i kam inap dispela ileksen, na mipela no inap abrus long en. "Mipela bai go het long bihainim dispela provisin bilong loa," em i bin tok. O'Neill i luk olsem em bai winim sia bilong en long PNG ileksen. Moa long 11,000 vot, ol i kaunim pinis insait long Sauten Hailans sia bilong lalibu Pangia, na man i lukautim praim minista wok long dispela taim, Peter O'Neill, i winim pinis samting olsem 7,500 vot. Dispela em i moa long hap bilong ol namba wan vot ol i kaunim. Pati bilong Mista O'Neill, em long People's National Congress Pati, i go pas long provins long makim gavana, tasol PNG Party, em Deputi Belden Namah i lidim, i gat planti vot pinis long tupela arapela provins taim ol independen i go pas long tupela arapela provins. Ol arapela pat ii autim wari olsem ol i givim provins bilong O'Neill long kaunim vot pastaim long stat bilong vot insait long sampela ples. Ol i bilip, ol bai tokaut long olgeta long 111 memba long pinis bilong dispela mun Julai, we long mun Ogas, ol bai makim wanpela nupela praim minista.

## Helt wari long Pasifik Ats Festival long Solomon Ailans

**WARI** i kamap long sot long wara, tasol helt ministri bilong kantri wantaim Sen Johns Ambulans i go pas long lukautim dispela wari. I gat sampela wari i kamap long sait long wara long Honiara we i hostim namba 11 Festival bilong Pasifik Ats.

24 kantri nau i stap insait long dispela festival, we i bin stat long Sande. Maski i gat sampela hevi long wara, ol Ats Festival atoriti i tok Festival bai go het gut. Ol narapela lain husat i gat bikpela wok tu long dispela festival, em Ministri bilong Helt, wantaim tu, Sen Johns Ambulans, em ol i bin statim gen i no long taim i go pinis. Tasol long dispela taim bilong Festival, ol i kisim bikpela halivim i kam long Sen Johns Ambulans long Papua Niugini. Anne Mathew, memba bilong Sen Johns Ambulans long Pot Mosbi i tok ol i wokbung wantaim Solomon Ailans Sen Johns long lukim olsem ol pipel long festival i kisim halivim kwiktaim sapos ol i pilim sik.

## Australia gavman i mas mekim moa long Papua: Australia loya

**HUMEN** Raits Loa Senta long Australia i tok Australia Praim Minista Julia Gillard i mas strongim Indonesia Presiden Susilo Bambang Yudhoyono long pinisim ol tambu em i putim long ol intanesenel midia i ripot insait long Papua provins. Dispela tokaut i kamap long taim Presiden Yudhoyono i mitim Praim Minista Gillard insait long ol miting bung long Darwin long dispela wik. Tokman bilong Humen Raits Loa Senta, Tom Clarke i tok Senta i askim Mis Gillard long putim dispela ol isiu na wari i go insait long dispela ol miting. Mista Clarke i tok ol Wes Papua ektivis i go kalabus long 15 yia long flaim Wes Papua flek, na narapela i bin dai i no long taim i go pinis long han bilong ol Indonesia atoriti. Mista Clarke i tok taim ol bikpela senis i wok long kamap long wok demokrasi long kantri insait long dispela tenpela yia i pinis, Wes Papua i lus tru long lukim dispela ol senis.



**1 BAGARAP:** Bikpela haiwara long Sonitpur distrik bilong Assam provins long India i bungim bikpela haiwara hevi. Dispela poto i soim ol haus i bagarap, na ol lain laipstok i painim ples long stap. Traipela ren i pundaun long not-is India na kamapim haiwara na graun bruk i kilim planti manmeri pinis.



**2 JOKTOK:** Praim Minista bilong Australia, Julia Gillard na Presiden bilong Indonesia, Susilo Bambang Yudhoyono, i toktok long midia bihain long tupela i sindaun toktok long wokbung namel long tupela kantri bilong ol long Tunde dispela wik.



**3 WOA STORI:** Wanpela dai buk o buk bilong raitim stori long olgeta de, we wanpela soldia i bin pait long Wol Woa 1, Gunner Pearce i bin raitim, i stori long tingting na bel bilong em olsem wanpela yangpela soldia long taim bilong pait. Dispela liklik buk dai nau i stap long Stet Laibreri bilong Nu Saut Wels.



Program bilong Wanwan De

**De - Mande - Fraide**

6am - 10am - Sankamap show - Host: Kas.T  
 6:00am - Major Nius Bulletin  
 6:15am - Komuniti Notis Bod  
 6:25am - Taim Bifo - wanpela singsing blong bifo.  
 6:30am - Nius Hetlains  
 6:45am - Bonde grins  
 7:00am - Major Nius Bulletin - YUMIFM Nius Senta  
 7:05am - YU TOK - komuniti awenes program  
 7:15am - WAN 4 DA ROAD - Hit Prediction - niupela singsing  
 7:30am - Tok Pilai - stori blong putim smail long nus pes.  
 8:00am - Major Nius Bulletin - YUMIFM Nius Senta  
 8:05am - YU TOK - komuniti awenes program  
 8:15am - "Papa Heni Fuka Show".  
 9:00am - Nius Bulletin - YUMIFM Nius Senta  
 9:15am - Luksave long Komuniti (Radio Pilai) Fraidei

Tasol  
 9:30am - Final aua cruz  
 10am - 3pm - Morin Trek na Belo Pack - Host: Mummy DASH  
 10:00am - Major Nius Bulletin - YUMIFM Nius Senta  
 10:05am - YU TOK - komuniti awenes program  
 10:15am - Kona blong yu.  
 10:45am - YUMI PANIM WOK Segment  
 11:00am - Nius - YUMIFM Nius Senta  
 11:05am - YU TOK - komuniti awenes program  
 11:10am - Lukautim yu yet - Helt toktok  
 11:30am - Nius Hetlains blong Belo Taim - Laik blong yu - Niupela singsing previu  
 12:00pm - Major Nius Bulletin - YUMIFM Nius Senta  
 12:05pm - YU TOK - komuniti awenes program  
 12:10pm - BELO Pack - Belo taim rekwas na dedikesen  
 12:15pm - Komuniti Notis Bod  
 12:20pm - BELO Pack - Belo taim rekwas na dedikesen  
 1:00pm - Nius - YUMIFM Nius Senta  
 1:05pm - YU TOK - komuniti awenes program  
 1:10pm - BELO Pack - Belo taim rekwas na dedikesen

2:00pm - Major Nius Bulletin - YUMIFM Nius  
 2:05pm - YU TOK - komuniti awenes program  
 2:45pm - YUMI PANIM WOK Segment  
 3pm - 7pm - Avinun Draiv Taim - Host: Vaviessie  
 3:00pm - Nius - YUMIFM Nius Senta  
 3:05pm - YU TOK - komuniti awenes program  
 3:10pm - Avinun cruz  
 4:00pm - Nius - YUMIFM Senta  
 4:05pm - YU TOK - komuniti awenes program  
 4:10pm - FOAPELA KAM GUD LONG 4 - foapela singsing  
 4:30pm - Nius Hetlains  
 4:45pm - YUMI PANIM WOK Segment  
 5:00pm - Major Nius Hetlains - YUMIFM Nius Senta  
 5:05pm - YU TOK - komuniti awenes program  
 5:10pm - 6:00pm - KULCHA Musik (1 hr) skelim lokal musik 6pm - 7pm  
 - NAIT BEAT - Host: Vaviessie  
 6:00pm - MAJOR NIUS BULLETIN - YUMIFM NIUS SENTA  
 6:05pm - YU TOK - komuniti awenes program

6:10pm - 7:00pm Mon kamap sho  
 6:45pm - Komuniti Notis Bod  
 7:00pm - 9:00pm - COCA COLA GARAMUT - Host: Angra Kennedy  
 7:00pm - Nius - YUMIFM NIUS SENTA  
 7:05pm - YU TOK - komuniti awenes program  
 9:00pm - 00am - Nait Beat - Isi Cruz long nait  
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat  
 00:00 - Early Monin Taim Cruz (ol lain brukim tulait shift)  
 - Musik / Request / Tok pilai  
 - Kipim Kampani long ol nait shift.  
**Wikens - Sarere**  
 6am - 10:00am - Wikens Sanrais Host: Talaigu Sopi  
 7am - 9am - Sarere Monin Cruz  
 9am - 11am - Monin Treks  
 11am - 1pm - National Weekly Hit Parade - Host: Kasty - 1st aua NWHP  
 12:00pm - NIUS - YUMIFM Nius Senta  
 12pm - 1pm - 2nd aua NWHP

Sarere belo cruz - Host: Tuluvan Vitz  
 1pm - 2pm - Sarere Belo Taim Dedikesen  
 2:00pm - NIUS - YUMIFM Nius Senta  
 2pm - 6pm - Sarere Avinun Cruz  
 6:00pm - NIUS - YUMIFM Nius Senta  
 6pm - 00:00am - Nait beat  
 7pm - 9pm - Coca Cola Garamut  
 9pm - 00:00am - Nait cruz  
 00:00am - 6am - Brukim Tulait Show  
**Wikens - Sandei**  
 6am - 10am - Wikens Sanrais / Sandei Monin wokabout Musik  
 - Monin Treks  
 10am - 12noon - NIUS - YUMIFM Nius Senta  
 12noon - Sarere Belo Taim Music  
 12 - 2pm - NIUS - YUMIFM Nius Senta  
 2:00pm - Sandei Avinun Draiv Musik  
 2pm - 6pm - Nius - YUMIFM Nius Senta  
 6pm - 8pm - GOSPEL REKWES AJA  
 8pm - 00:00am - Late Nait Cruz - Poroman Aua  
 00:00am - 6am - Brukim Tulait Show  
**Program Director - YUMIFM - Kasty**

**RADIO AUSTRALIA TOK PISIN PROGRAM HARIM LONG: 101.9 FM**

6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Helt  
 8.15PM Musik  
 8.30PM NIUS  
 8.40PM Spots Riplei  
 8.55PM Musik  
 9PM Stesen Pas

**TUNDE - Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Mama Graun  
 8.15PM Musik/Spots  
 8.30PM NIUS  
 8.40PM Helt Riplei  
 8.55PM Musik  
 9PM Stesen Pas

**TRINDE - Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Fokus  
 8.15PM Musik/Spots  
 8.30PM NIUS  
 8.40PM Mama Graun Riplei  
 8.55PM Musik  
 9PM Stesen Pas

**FONDE - Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Youth  
 8.15PM Musik/Spots  
 8.30PM NIUS  
 8.40PM Fokus Riplei  
 8.55PM Musik  
 9PM Stesen Pas

**FRAIDE - Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Wantok  
 8.15PM Musik  
 8.30PM NIUS  
 8.40PM Youth Riplei  
 8.55PM Musik  
 9PM Stesen Pas

**SARERE - Nait**  
 7PM Stesen op - Ol Nius Hetlain/Program Priviu  
 7.05PM Musik na Chit Chat  
 7.30PM Nius  
 7.40PM Wantok  
 8PM Lokal Ben  
 8.30PM Nius  
 8.40PM Musik/Chit Chat  
 9PM Stesen Pas

**SANDE - Nait**  
 7PM Stesen op - Ol Nius Hetlain/Program Priviu  
 7.05PM Musik na Chit Chat  
 7.30PM Nius  
 7.40PM Femili Blong Serah (Radio Plei)  
 8PM Lukluk Bek Long Wik  
 8.30PM Nius  
 8.40PM Musik/Chit Chat  
 9PM Stesen Pas

*Raun wantaim Wantok kru ...*

# Helt pak long 14-mail go stail moa yet

**Nicky Bernard i raitim**

HELT Pak long 14 mail autsait tasol long Mosbi siti i wok long go stail na stail moa yet. Dispela taim ol kisim ol liklik bot long mekim kala bilong raun wara long hap i luk nais. Long wik go pinis ga-

vana NCD Powes Parkop na PNG Gardener bos man Justin bin go lonsim dispela ol liklik bot. Dispela ol liklik bot em olsem wilwil, yu bai ronim long wara na em bai ron olsem spit bot. Plati ol piksa muvi bai yu lukim we ol manmeri na pikinini save go insait na raun insait long raun wara o solwara. Ol dispela 10-pela

liklik bot, kos bilong baim ol em i aninit long K20,000. Justin Tkatchenko bilong PNG Gardener i wok wantaim NCDC long kamap dispela 14-mail pak go bikipela na bikipela moa yet. I no dispela liklik bot tasol em kisim kam, long 4-pela Mun taim bai yumi lukim dispela

pak bai masin bilong karim ol manmeri na pikinini go antap tru na raunim ol gen kam daun. Dispela nupela masin na bot ol kisim kam long Saina, dispela bai mekim dispela pak olsem ples bi-

long ol wait man stret. Dispela pak em tingting bilong gavana Parkop na dispela em bilong helpim ol manmeri na pikinini long Mosbi long go malolo o piknik na kisim gutpela tingting autsait long siti.



14 mail pedal bot

**93.5FM YUMIFM National Weekly Hit Parade:**  
 Produced & Host by: Kasty  
 Satellites: Talaigu Sophie & Poroman Crew  
 Week Ending: Saturday - 28th April 2012

Week Before	Last Week	This Week	Charting Song:	Artist:
3	3	1	Black Baby Lewa	Chris Stone ft Nathan Nahikas & Drendy Bones
1	1(6)	2	Sarefaina	Garry Vailbua ft Jaggby
2	2(6)	3	B.K.	Unique ft Jay Rossan
4	4	4	Satidy	Sibela Band ft Vanessa Potal
5	5	5(4)	Old Mata Medley	Garry Vailbua
6	6	6	Why ya lusim mi go	B-Rad
7	7	7	Me found love	Jokema
13	10	8	Fallen Angel	Waleas of Pangia
8	8	9	My People	Jah'varuz ft P-Naka
18	17	10	Eng bog maruka	Batak
11	11	11(4)	Angie Girl	Logic Crew ft Isaac Yama
9	9	12	Ferua Nakutua	Treasa ft Gravity / James Stone
15	14	13	Mi laikim yu stap	Iden-tical
17	15	14	Lewa	Iden-tical ft Webster & Mickey
10	12	15	Orchid V-Las	Leonard Kamia
12	13	16	Lewa	Kinos Male ft Channel X Crew
0	18	17	Waiga Beal	Hayson Agenta
0	19	18	Dizz	Robney Piskapia ft Delma Miel
0	0	19	Sentex Mori	Strive
16	20	20	Hidden Valley	Batak
			Saag	In
			Out:	Kiri
				Sentex Mori
				Strive
				Reggie ft Twin Tribe

## EMTV Television Guide

<b>FONDE 5 Julai, 2012</b>	9.08 PM G <b>HOT SPOT #17</b>	5:00 PM G <b>CYBERSHAK #7</b>	9:30 PM G AUSTRALIA NETWORK	5:00 AM G <b>SUPER 15 RUGBY</b>
5:00 AM G <b>JOYCE MEYER.</b>	9:30 PM G <b>NRL FOOTY SHOW</b>	5:30 PM G <b>THE MILLIONAIRE HOT SEAT</b>	2:30 PM G <b>SUPER 15 RUGBY</b> "Replay"	Blues vs. Force "Delay"
5:30 AM G <b>TODAY</b>	10.57PM G EM TV TOKSAVE	5:57 PM G <b>CRIME STOPPERS</b>	4:30 PM G <b>TRICKY TV #20</b>	7:00 AM G <b>HILLSONG</b>
9:00 AM G <b>MALOLO CLUB - 9am - 3pm</b>	11.00 PM G <b>ELITE MUSIC ZONE</b>	6:00 PM G <b>NATIONAL EMTV NEWS</b>	5:00 PM G <b>BRITISH CIRCUS S1 Ep#1/6</b>	7:30 AM G <b>CHIT CHAT with Sir. Paulias Matane</b>
<b>Oliver Twist</b>	11.30 PM G <b>EMTV NEWS REPLAY</b>	7:00 PM <b>IN MORESBY TONIGHT</b>	Repeat Final.	7:35 AM G <b>BLISSFUL BLOSSOM</b>
<b>Hercules</b>	12:00 AM G AUSTRALIA NETWORK	7:30 PM G <b>NRL ROUND 18</b>	6:00 PM G <b>NATIONAL EMTV NEWS</b>	8:00 AM G <b>**YOGA SUTRA - premieres #01</b>
<b>Wild Hogs</b>	<b>FRAIDE 6 Julai, 2012</b>	9:30 PM G <b>SUPER 15 RUGBY</b> "Replay"	6:30 PM G <b>NRL ROUND #18</b>	8:30 AM G <b>BUSINESS PNG Repeat...</b>
<b>Maid in Manhattan</b>	5:00 AM G <b>JOYCE MEYER.</b>	11:27 PM EMTV TOKSAVE	Storm vs. Raiders - Fox 'replay'	9:00 AM G <b>AUSTRALIA NETWORK</b>
3.00 PM G <b>KIDS KONA</b>	5:30 AM G <b>TODAY</b>	11:30 PM G <b>EMTV NEWS REPLAY</b>	8:30 PM G <b>NRL ROUND #18</b>	10:00 AM G <b>RESOURCE PNG - repeat</b>
3.00 PM <b>DORA THE EXPLORER</b>	9:00 AM G <b>MALOLO CLUB 9am - 3pm</b>	12:30 AM G AUSTRALIA NETWORK	Titans vs. Warriors - Fox "Replay"	11:00 AM G AUSTRALIA NETWORK
3.30PM <b>MACDONALD'S FARM</b>	<b>Rataouille</b>	<b>SARERE 7 Julai, 2012</b>	10:30 PM G <b>EMTV NEWS REPLAY</b>	12:00 PM G <b>SUPER RUGBY</b>
4.00 PM <b>THE SHAK</b>	<b>Pay it Forward</b>	6:30 AM AUSTRALIA NETWORK/STATION	11:00 PM G <b>SUPER 15 RUGBY</b>	Waratahs vs. Brumbies "Replay"
4:30 PM <b>KITCHEN WHIZ</b>	<b>Young at Heart</b>	<b>OPENS</b>	Cheetahs vs. Stormers "Live"	2:00 PM G <b>NRL ROUND #18</b>
5.00 PM G <b>BRITISH CIRCUS- Repeat Final</b>	3.00 PM G <b>KIDS KONA</b>	7:00 AM G <b>WAYBULOO</b>	1:00 AM G <b>SUPER 15 RUGBY</b>	Rabbitohs vs. Knights "Live"
5:57 PM G EMTV TOKSAVE	3.00 PM <b>DORA THE EXPLORER</b>	7:30 AM <b>UNTIMATE GUINNESS WORLD RECORDS</b>	Lions vs. Rebels "Live"	Fox...
6:00 PM G <b>NATIONAL EMTV NEWS</b>	3.30PM <b>NEW MACDONALD'S FARM</b>	8:00 AM G <b>NAMASTE YOGA RPT..</b>	<b>SANDE 8 Julai, 2012</b>	4:00 PM G <b>NRL ROUND #18</b>
7:00 PM G <b>RAIT MUSIK</b>	4.00 PM <b>THE SHAK</b>	8:30 AM <b>K-WAVE #4/19</b>	3:00 AM G <b>SUPER 15 RUGBY</b>	Eagles vs. Eels "Replay"
8.00PM G <b>RESOURCE PNG</b>	4.30 PM <b>KITCHEN WHIZ</b>	9:00 AM G <b>MOTU GADODIA - Repeat...</b>	"Live"@3:10am	6:00 PM G <b>NATIONAL EMTV NEWS</b>
9.00 PM G <b>SOCCER EXTRA</b>	4:57 PM G EMTV TOKSAVE			

TORO



BIABIA



KANAGE



TOKWIN

Ren bagarapim posta

PLANTI ol posta bilong ol kenidet long Pot Mosbi i bin wet long tupela de ren, dispela ol posta ol mekim long pepa, plani bilong ol ren i bagarapim nogut tru.

Dispela em mak bilong yusim narapela mani gen long mekim nupela, na taim bilong kepen tu em sot nau na planti ol kenidet wok traim long karamapim bikipela hap ples long kisim vot bilong ol manmeri.

Dispela ren long Mosbi bin wasim

pes bilong ol kenidet gut tru wantaim posta bilong ol, planti manmeri long rot i tok larim ren wasim pes bilong ol, taim bilong ileksen yumi lukim kainkain pes na taim ileksen pinis dispela ol pes ya bai go hait na ren no inap wasim ol gen.

Gutpela toktok kam long kempen

OL kenidet i wok long mekim ol gutpela toktok long taim bilong kepen, tasol ol dispela toktok bai karim kaikai bilong em sapos ol win long go long Waigani? Dispela em bai askim bilong yumi

ol wanwan manmeri, dispela liklik piga bilong yumi ol lain bai makim long tupela minit tasol na namba yu kamapim pinis long vot. Dispela em no longpela taim laka, tasol dispela wari na laikim bilong long sevis yu ting bai yu kisim long tupela minit olsem yu makim piga bilong yu.

Tingting na save stap long yumi wanwan manmeri, na sapos tingting bilong yumi orait na mak bilong vot bilong yumi orait kaikai bilong em bai kam long tupela minit tasol sapos askim bilong yumi go long dispela man o meri yumi makim.

Table with 10 columns and 10 rows of letters, likely a word search or crossword grid.

Painim ol dispela toktok bilong ron long balus:

Table listing airlines and services: BALUS, AIR NIUGINI, AIRLINES PNG, MAF, ISLANDS NATIONAIR, PLES BALUS, KAGO, TI, KOPI, JIUS, BISKET, SIA LET, SIA, TIKET, SEKIN, SEKYURITI, LAIP JAKET, EA HOSTES, PALOT, SUTKES

6x6 grid with numbers, likely a Sudoku puzzle.

6x6 grid with numbers, likely a Sudoku puzzle.

Ansa bilong las wik Sudoku

Word search grid with letters and some pre-filled words.

Ansa bilong las wik Pasol

EMTV Television Guide

Large table listing TV programs, times, and channels for EMTV, including 'MOTU GADODIA', 'EURO 2012', 'KIDS KONA', 'JOYCE MEYER', etc.

Program bai senis long taim bilong en..



# Raun wantaim Kanage olgeta wik

**Kanage karim wanpela turis raun long ples Maprik.. Nau wait man lukim bikpela pisin guria na em mangalim stret na askim Kanage em wanem kain pisin... Kanage em mekim wanpela bikpela tok Inglis stret long turis..**



## Mi save bihainim ol wanwok long dring raun, tasol mi laik senisim pasin. Inap Laiplain i helpim mi?

### Dia Laiplain

LONG potnait bilong mi, ol wantok i singautim mi long go wantaim ol long hotel. Ol i tok long mipela bai dring sampela bia na bihain bai mipela i go lukim ol video muvi piksa.

Tasol bihain long ol i dring sampela bia pinis, nogat wanpela long ol i laik go lukim muvi. Nogat. Sampela taim, ol i stap dring inap hotel i pas. Na sampela taim, ol bai go long haus bilong narapela poroman na skruim dring i go moa yet. Olsem wanem na mi ken stretim dispela wari bilong mi? Mi pret sapos mi no go dring wantaim ol, bai mi lusim ol pren bilong mi.

### Dia Pren

YUMI olgeta i laik pren wantaim ol narapela pipel. Yumi belgut sapos ol i laikim yumi. Olsem na planti taim, yumi save mekim samting yumi no laikim bikos yumi laik amamasim ol narapela lain.

Em i gutpela samting long mekim ol samting long helpim ol pren. Tasol em i no gutpela samting sapos yumi mas mekim rong o pasin i nogut bilong amamasim ol pren.

Sori tumas, i gat planti pipel tumas long PNG i bagarap long strongpela dring. Tasol sori moa yet long ol dispela pipel i dring long amamasim ol pren.



Yu tok olsem olgeta wanwok i save go long hotel. Em i tru? Ating i gat planti olsem yu husat i no laik go tasol i nogat strong long tok nogat.

Planti taim, wanpela o tupela lida tasol i save pulim ol man na ol i go. Na i no long laik bilong ol yet, nogat. Ating sampela woklain bilong yu tu i laik go lukim muvi. Wanwan man i ting olsem olgeta man i laik go dring. I nogat man i gat strong long sanap na tok narakain. Nogat. ol pren i no laik harim dispela kain tok.

Wanpela we long abrusim dispela kain tok em hia. Yu yet i sanap toktok strong olsem wanpela lida. Long neks potnait, yu sanap na yu toktok strong olsem. "Maski long go long hotel tunait. Mi laik lukim piksa. Husat i laik kam wantaim mi." Ating bai yu lukim planti pren bilong yu bai go poromanim yu.

Tasol sapos nogat wanpela i laik go wantaim yu, maski, yu go yu yet. Maski ol i lap. Bihain long sampela de, yu ken

gris wantaim ol long gutpela muvi yu bin lukim na yu bin amamas tru. Neks taim, ating tupela o tripela i laik go wantaim yu na traim.

Na sapos yu traim traim na i nogat wanpela man i laik go poromanim yu, orait, maski. Yu tingting nau.....Tingting gut. Ating moabeta yu painim sampela pren i laik long woksop bilong yu, orait, yu go joinim sampela grup long YC o long sios o long spot klab.

Sapos yu stap insait pinis long wanpela olsem na ol wanwok i singautim yu gen long go long hotel, yu ken tokim ol olsem," Sori pren, mi noken. Ol pren bilong mi long hap sait i wetim mi."

Mi noken promisim yu, bai yu no lus-bim sampela pren na wanwok. Tasol maski... sapos oltaim ol i pulim yu long mekim ol kain samting yu no laik mekim, moabeta yu painim sampela narapela kain pren. Gutpela pren i save helpim yu.

### Mi Laiplain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

### Laipain

**NEM:** Ludwick Monduk

**KRISMAS:** 25 (man)

**ADRES:** C/- Clerance Kombukun, PO Box 302, Kimbe, West New Britain Provins

**SAVE LAIKIM:** Rit, mekim pani, wok, pilai, harim musik, lukim TV na mekim poroman.

**NEM:** Monita Raio

**KRISMAS:** 22 (meri)

**ADRES:** Lae Ever Green, PO Box 167, Lae Morobe Provins

**SAVE LAIKIM:** Go Lotu, RitimBaibel, pilai gita, singsing, mekim poroman, pilai ol bol gem, wok long gaden, wasim ol klos na raitim pas.

**NEM:** Womie Ben- Efore

**KRISMAS:** 26 (man)

**ADRES:** C/- Christ For The Nations, PO Box 1332, Lae, Morobe Provins PNG

**SAVE LAIKIM:** Lainim tok ples, senisim presen, harim musik, gaden na painim wanpela poromeri long stap wantaim oltaim.

**NEM:** Aweqwii de Paps

**KRISMAS:** 24

**ADRES:** K- Toro Hire Cars, PO Box 111, Vanimo, Sandaun Provins

**SAVE LAIKIM:** Go Lotu, ritim ol buk o niuspepa na mekim pren.

**NEM:** Gitfty Ocloo

**KRISMAS:** 34 (meri)

**ADRES:** PO Box 35, Agona Nyakrom, Ghana - Phn: 0023354787139

**SAVE LAIKIM:** Raitim pas, painim wanpela man long maritim na stap wantaim oltaim.

**NEM:** Shirley Hori

**KRISMAS:** 18 (meri)

**ADRES:** Marinumbo Primary School, PO Box 352, Wewak, East Sepik Provins

**SAVE LAIKIM:** Harimm, danis, kuk, wasim klos, pilai spots, Go Lotu, mekim pani na go swimming

**NEM:** Sharon Tatapai

**KRISMAS:** 15 (meri)

**ADRES:** Yaraka Memorial School, PO Box 532, Kavieng, New Ireland Provins

**SAVE LAIKIM:** Go Lotu, lukluk CD na pilai spots.

**NEM:** Nasain Calvin

**KRISMAS:** 14 (meri)

**ADRES:** Yaraka Memorial School, PO Box 532, Kavieng, New Ireland Provins

**SAVE LAIKIM:** Pilai Spots, Go Lotu, Lukim CD na rit planti

**NEM:** Karl Pewa

**KRISMAS:** 30 (man)

**ADRES:** Semoroks Gospel Club, PO Box 3368, Lae, Morobe Provins.


**SAVE LAIKIM:** Stap wantaim Jisas, Pilaim gospel musik na laikim kristen Luteran meri o arapela sios meri husat igat strongpela tingting long pilaim musik bilong God.

**NEM:** Darren Calvin

**KRISMAS:** 15 (man)

**ADRES:** Yaraka Memorial School, PO Box 532, Kavieng, New Ireland Provins

**SAVE LAIKIM:** Lukim CD/Pilai Spots na Ridim buk



**PNG GOL...Kwaliti bilong aluvial gol long PNG em i antap tru tasol ol waitman i save paulim yumi na baim long liklik mani.**  
Foto: Niugini Gold Traders

## InterOil surukim LNG Projek agrimen wantaim Mitsui

INTEROIL CORP, opereta bilong Elk-Antelope ges fil i nau surukim agrimen wantaim Mitsui & Co Limited long kamapim Kondenseit Striping Plent (CSP) bilong namba tu LNG Projek long Galp (Gulf) Provins.

Long Mas 30, 2012, InterOil i bin tingting long senisim sampela agrimen bilong Join Vensa Opereting Agrimen (JVOA) long kamapim CSP wantaim Mitsui, we sampela bilong dispela agrimen bai senis tu long Disemba 31, 2012.

InterOil i tokaut olsem em i nau bai go insait long dispela agrimen, we Fainel Invesmen Disisen (FID) bilong dispela namba tu LNG Projek wantaim Mitsui bai kamap long Disemba 31, 2012.

JVOA bilong mekim dispela CSP bilong InterOil LNG Projek wantaim Mitsui, na ol arapela agrimen, i senis long surukim na larim taim bilong kamapim FID i go moa long Disemba 31, 2012.

JVOA i tok long ol rait na wok bilong ol join vensa kampani long mekim CSP long Elk na Antelope ges fil long Galp Provins.

# Niugini Gold Traders laik helpim liklik gol baia

**Aja Alex Potabe i raitim**

GOL em i wanpela strongpela mineral, we mani mak bilong en i winim ol arapela mineral olsem kopa, silva, na daimon.

PNG i gat planti gol maining, olsem Porgera, Lihir, Hidden Veli, na Tolukuma, we ol bikpela maining kampani tasol i gat sans long rausim gol na mekim moa mani tru.

Tasol nau Niugini Gold Traders (NGT), wanpela nupela gol dila kampani bilong PNG yet, i laik helpim ol liklik gol baia long mekim moa mani long liklik gol ol i save baim long ples.

Planti ol biknem na bikpela gol baia o kampani bilong wantaim St Barbara em i gutmanmeri i save giamaninim ol liklik manmeri long ples, na paulim ol wantaim liklik mani.

Menesing Dairekta bilong

NGT, Andy al-Jamali i tok; "NGT i laik helpim ol dispela kain manmeri long bus ples stret. Sapos yu wanpela liklik baia (man bilong baim gol) long ples, mipela i ken helpim yu long mekim gut mani wantaim gol bilong yu.

"Sapos yu wanpela sela (man bilong salim), orait mipela i redi stret long helpim yu mekim moa mani wantaim liklik gol yu bin hatwok stret long painim."

NGT em i laik senisim laip bilong ol liklik gol baia na sela long PNG bikos ol biknem gol dila kampani i save paulim ol na givim liklik mani tasol long ol.

"Planti ol biknem gol dila long PNG em ol foren kampani tasol. Olsem na ol i no bisilong yupela. Ol i ting ting long mekim mani tasol," al-Jamali i tok.

Tasol NGT i nau redi long helpim ol liklik mameri long

mekim mani gut bikos em laik makim maus bilong ol liklik baia na salim gol bilong long intenesenel maket stret.

NGT i redi long baim gol long liklik manmeri long ples wantaim bikpela mani, i no olsem ol narapela baia hsuat i save giamaninim ol ples manmeri na baim gol long liklik mani.

Salim e-mail kam long [niuginigoldtraders@gmail.com](mailto:niuginigoldtraders@gmail.com) long moa askim.

## Allied Gold na St Barbara bai kamap wanpela kampani

SIMBERI Gold Maining long Nu Ailan Provins bai kam aninit long wanpela bikpela kampani taim opereta bilong en, Allied Gold PLC, husat i gat agrimen wantaim maining kampani bilong Australia, St Barbara, i bungim tupela kampani wantaim na kamapim wanpela bikpela kampani tasol.

St Barbara na Allied Gold i tokaut olsem tupela i wanbel long bung wanpela aninit long dispela agrimen ol i kolim Skim ov Arrangement).

Aninit long dispela, St Barbara bai baim samapela sea long Allied Gol long mani mak 560 milian Australia dola (A\$560m).

Dispela bung mas kamap taim olgeta seahola bilong Allied Gold i wanbel, na moa

long 54 pesen sea holda i wanbel pinis bihain long ol dairekta bilong Allied Gold i tokim ol long wanbel bikos em bai groim kampani.

Allied Gold CEO Frank Terranova i tok dispela bung wantaim St Barbara em i gutmanmeri bilong 600 wok manmeri long Simberi na pipel bilong Nu Ailan na PNG.

Taim tupela kampani wantaim i bung na kamapim wanpela tasol, dispela nupela kampani bai kamap wanpela strongpela na bikpela maining kampani insait long Australia na Pasifik rijen, we dispela kampani bai gat 4-pela maining insait long Australia, Solomon Ailans (SI) na PNG.

Dispela kampani bai mekim klostu 435,000 onses bilong Gold olgeta yia (ounces of gold per year), na

sea maket mani mak bilong en bai go antap long 1 bilian Australian dola (A\$1 billion).

Simberi bai kamap wanpela namba wan maining bilong dispela nupela bung grup, na St Barbara i amamas long inves o mekim maining bisnis long Simberi na PNG.

"Mipela i bilip olsem Simberi em i bikpela gol maining projek," St Barbara CEO Tim Lehany i tok.

Lehany i tok; "Mipela i lukim bikpela sans groim Simberi operesen, na mipela i lukuluk i go het long wokbung wantaim lokol komyuniti long Simberi, na PNG gavman. Mipela i amamas tu long mekim ol arapela eksploresen wok long kamapim sampela moa maining projek insait long PNG.

St Barbara em i ron long

mani mak 700 milian Australian dola (A\$700m) na, las yia em i bin mekim 47 milian Australian dola (A\$47m) winmani i kam long Leonora na Southern Cross undagraun maining projek long Australia.

Allied Gold i gat bikpela Simberi Gol Maining projek long PNG, na Gold Ridge Maining Projek long Solomon Ailans.

St Barbara i mekim ol eksploresen wok long East Lanchlan, Australia na Allied Gold tu i mekim ol eksploresen wok long Tabar-Tatau long Nu Ailan, PNG.

Taim tupela i bung wantaim na kamapim wanpela kampani, dispela kampani bai kampa wanpela strongpela na bikpela gol maining kampani insait long Australia na Pasifik.

## Daltron lonsim nupela et setalait

**Aja Alex Potabe i raitim**

DALTRON, long taim kompyuta na infomesen teknojoli (IT) kampani long PNG, i lonsim wanpela nupela et setalait las wik Fraide.

Nem bilong dispela setalait stesen em i DESS (Daltron Earth Satellite Station) na mani mak bilong en i K3 milian.

Dispela lonsim tu i bin lukim Daltron i amamasim 35 krismas bilong kampani long operet long PNG, we em i bin sevim ol pipel na kampani long sait bilong kompyuta na IT.

Jeneral Menesa bilong Daltron, Graham Rix, i tok Daltron i amamas long groa wantaim PNG na wantaim dispela nupela et setalait stesen, em bai givim gutpela IT sevis long pipel bilong dis-

pela akantri long mekim bisnis gut, mekim hat wok i kamap isi, na sevim taim.

"DESS em i nupela rot long yu bai go aut long wanem hap kantri yu laik i go. Em i nupela rot long groim bisnis bilong yu. Em i bilong PNG," Rix i tok.

Em i tok dispela nupela setalait i winim VSat tasol em i gat moa pawa long wok long gutpela na nogut taim wantaim.

"Sapos weta i go bagarap, Dess bai no moa bagarap olsem VSat. Insait long wanpela yia tasol, em i ken bagarap 4-awa tasol," Rix i tok.

Dispela i minim em i gutpela tru long ol bisnis manmeri, kampani, na gavman i amamas long yusim dispela setalait bikos em i ken helpim ol long mekim bisnis na wok isi tru.





# Fud Sekuriti em bikpela samting Ramu NiCo i promotim

**FUD** Sekuriti em bikpela samting Ramu NiCo I laik promotim insait long ol projek impekt eria bilong en long Usino-Bundi na Raikos distrik long Madang provins.

Olsem na dispela bikpela developa bilong nikel na kobalt insait long PNG I laik wok bung wantaim ol developmen patna ogenaisesen long bringim gutpela save na trening I go long ol rurel pipel na ol fama insait long ol projek eria bilong en long sait bilong agrikalsa.

Long las wik antap, Ramu NiCo Komyunit Afes Dipatmen I amamas long bungim ol lain bilong Japanis Intanesenel Koporesen Ejensi (JICA) husat I bin mekim wok raun I go long Madang long glasim ol rais famas we Ramu NiCo I save sapotim ol long wok bilong groim na milim rais.

Rais em I no tumbuna kaikai bilong yumi ol pipel bilong PNG, tasol insait long las 40 yia I go pinis, dispela kaikai I go strong tru na planti lain tru insait long PNG I save kaikai rais. Long ol bikpela taun na tu long ol rurel ples, rais I kamap olsem wanpela namba wan kaikai bilong ol pipel bilong yumi

Yes, rais nau i kamap olsem wanpela stepel kaikai, o min olsem moa pipel i save laikim rais na em i kamap olsem kaikai tru bilong yumi lain bilong PNG.

Insait long Madang provins, sampela komyuniti long rurel eria i go het long planim rais na milim na kaikai wantaim femili bilong ol.

Wanpela long ol dispela komyuniti em bilong Bom viles, long Bugati eria long Astrolabe Be lokal level gavman long Raikos distrik long Madang provins.

Long las wik Fonde, ol pipel bilong Bom viles i bin redim wanpela gutpela program tru we i lukim tripela rais teknikal saveman bilong Japan i bin mekim lukluk raun bilong ol i go long ol rais



Raun long bafalo go lukim ol rais projek



gaden bilong ol na tu I bin go bung wantaim ol long ples bilong ol.

Ol fama long ples I bin serim sampela tingting bilong ol long wanem ol hevi ol I save bungim we I save daunim ol liklik long groim rais. Tasol ol I tokaut olsem ol I gat bikpela bilip yet long groim rais na strongim prodaksen na fud sekuriti bilong ol yet wantaim femili na komyuniti bilong ol long ples Bom.

Tripela teknikal saveman bilong Japanis Intanesenel

Koporesen Ejensi (JICA) i bin kisim gutpela welkam tru taim ol i bin go mekim lukluk raun bilong ol long ol smolholda rais projek insait long Bom eria long Astrolabe Be, Madang provins.

JICA i bin helpim long promotim smolholda rais prodaksen stat long 2003 i kam inap nau insait long ol extensen program bilong en long tripela provins long PNG, em long Madang, Is Sepik, Manus na Milen Be provins.

Lukluk raun bilong JICA i



Glasim rais projek Ramu NiCo I sapotim



Ol JICA ofisa miting wantaim Ramu NiCo Jeneral Menesa bilong CA Dipatmen, Martin Paining (raithan)

◀ Gris rais bilong Bom ples

go long ol smolholda rais projek long Bom em i bin kamap bihain long ol JICA lain i laik wok bung wantaim ol developmen patnas husat i promotim rais prodaksen insait long kantri. Ol i lukim olsem developa bilong nikel na kobalt projek.

Dispela JICA delegesen husat i bin mekim lukluk raun i go long Madang em Dokta Hiromitsu Iwamoto, husat em tim lida na em yet em Project Fomulesen Edvaisa. Tupela arapela em Noriyuki Ito, em asisten teknikal ofisa

bilong JICA PNG Ofis na Tatsuo Fujita, husat em sif edvaisa long sait bilong extensen trening na menesmen, na man husat i gat moa save long rais.

Dipatmen ov Agrikalsa na Laipstaipstok (DAL) Fud Krop opisa, Mary Lillah i bin bihainim ol dispela lain JICA ofisa long lukluk raun bilong ol i go long ol smolholda rais gaden long Erima na i go olsem long Bom. Ol i statim lukluk raun bilong ol long Erima we ol i go lukim rais gaden bilong Denmark

Taraba, na bihain ol i go long gaden bilong Daniel Abuta long we em i brukim graun pinis long planim rais bilong em.

Bihain long en ol i go long Bom we ol i go lukim gaden bilong narapela fama gen na bihain ol i go long ples Bom we ol viles pipel i bung na mekim naispela welkam tru long ol JICA lain ya.

Ol viles pipel i kukim lokal rais we ol i planim long en na givim ol ofisa bilong JICA long kaikai na teistim swit bilong en.

Dokta Iwamoto i tok olsem teist bilong lokal Bom rais i nais tru, na em i tok olsem JICA i redi long helpim ol famas long sampela samting bihain wantaim sapot ol i givim i go long Madang provinsal DAL.

Jeneral Menesa bilong Komyuniti Afes Dipatmen bilong Ramu NiCo, Martin Paining husat i bin welkam long JICA delegesen long Madang i tok olsem Ramu NiCo i laik lukim ol liklik manmeri long ples i holim strong wok bilong agrikalsa na sapotim sindaun bilong ol long taim bilong main operesen i go na tu bihain long main i pasim wok.

Mista Paining i tok CA agrikalsa program em i gutpela wok long helpim na tu strongim gutpela pasin bilong wok-bung namel long ol komyuniti insait long Ramu NiCo Projek eria.

Lida bilong JICA delegesen i go long Madang, Dokta Iwamoto i tok olsem JICA i bin stat long sapotim wok bilong rais long Madang provins stat long yia 2003, na long dispela taim em i givim ol teknikal wok em bilong em long helpim long milim rais na tu lukautim wok bilong kontrol rais masin, we JICA i bringim i kam long PNG.

Dokta Iwamoto i tok PNG i gat gutpela graun tru na rais i ken gro gut tru, sapos fama i givim moa taim bilong em na tu redim gut graun long planim rais na lukautim rais long gro gut na kamapim gutpela kaikai.

**RAMU NiCo** **Ramu NiCo redi long givim**  
 Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.  
 Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamak rifaineri i pinis, na projek i stap redi long kisim komisani o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

**Ol dispela namba i soim klia mak bilong wok mipela i pinisim:**

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**Wanpela Ramu NiCo, Wanpela Komyuniti**

## Enga pasim gut ol balot bokis



Ol sekuriti i strong tru long Wabag we ol balot bokis i stap insait long kontena arere long polis stesin. Long pasim gut ol i no yusim lok tasol, nogat. Ol i bin kukim na weldim pas doa bilong kontena. Piksa i soim wanpela mekenik i yusim masin bilong rausim hap ain we ol i bin weldim ol doa. Em laik opim doa bilong kontena na rausim balot bokis bilong karim i go long kaunim senta. (Pater Philip Gibbs SVD)

# Voting klostu pinis long Oro

Veronica Hatutasi i raitim

VOTING long Oro Provins i wok long ron gut na planti hap i pinisim wok bilong voting. Na wok bilong kaunim bai stat long dispela Sande.

Voting long ol Popondetta Eben Lokol Level Gavman (LGG) eria i pinis.

Long planti LLG eria long Sohe na Ijivitari Ilektolet, poling o voting i pinis tu. Long Kira em boda eria namel long Oro na Morobe provins, em bin hat long go long eria, tasol ol poling tim i bin nap long go long eria na wok i stat pinis.

Oro Provinsel Polis Ko-

manda, Sif Inspekta Victor isouve, i tok long planti eria bilong provins, voting i pinis na ol i karim ol balot bokis i go long Popondetta we ol polis lain i putim was long ol i stap.

I kam inap nau, ol tim namba 1,2,3,4,6,7 na 14 i pinisim wok long voting na kisim ol balot bokis i go long polis hetkota long Popondetta we ol i sekim na putim.

Long Sohe Ilektolet, voting i bin pinis long Jun 29, taim ol Tim long Kokoda, Higaturu na Tanata i bin pinisim wok long voting na kisim ol balot bokis i go pinis Popondetta.

Superintenden Isouve i tok nogat bikpela trabel i kamap long provins long taim bilong vot, tasol planti komplek i bin kamap long pipel we nem bilong ol i no stap long Ilektolet Rol, tasol dispela samting i kamap long olgeta hap bilong kantri.

Em i tok wanpela komplek ol skrutinia i gat em long ol nem teg i wok long kamaut long ol balot bokis wantaim tu ol hendel bilong ol balot bokis we sampela i bruk.

Superintenden Isouve i tok sapos olgeta samting i go gut, kauning bai kamap long neks wik.

## Amamas long gutpela pasin na sapot bilong pipel long taim bilong vot

Veronica Hatutasi i raitim

TOK amamas i go long ol pipel bilong Westen provins long wanem, nogat trabel o hevi i kamap long provins long taim bilong kempin na nau, long taim bilong voting. Na i gutpela long ol i givim wankain sapot long taim bilong kaunim.

Provinsel Polis Komanda bilong Westen Provins, Inspekta Silva Sika i tokaut olsem taim em i givim ol apdet bilong voting long provins.

"Tru, nem bilong planti lain i no stap long Ilektolet Rol i bin wanpela samting planti lain i no amamas long en, pipel i no bin mekim meknais, tasol ol i go het long vot na larim wok i ron gut tasol.

"I nogat trabel o hevi na jenereal situesen long

provins i kwait na orait.

"Mi tok amamas long pipel long luksave bilong ol long dispela bikpela samting long taim bilong kempin na voting. Kain luksave na sapot i mas stap long taim bilong kaunim," Inspekta Sika i tok.

Long wankain taim, voting long Galp Provins i ron gut wantaim nogat hevi na i gat bilip olsem voting long provins bai pinis tumora.

Provinsel Polis Komanda, Sinia Inspekta Heni Vagi i tok voting long Eben Kerema, Sentrel na Is Kerema Lokol Level Gavman Kaunsel (LLG) eria i pinis taim Kaintiba, Baimuru na Kikori LLG bai skruim voting i go yet.

Em i tok situesen long provins i orait na i nogat trabel o meknais.

Em i tok voting long

provins bai pinis tumora na kauning bai stat long neks wik Mande.

# Sinasina Yongomugl i redi long vot

Eric Sinebare i raitim

OL PIPEL bilong Sinasina Yongomugl i redi pinis nau long makim lida bilong ol long palamen wantaim nogat hevi o pait na arapela pasin nogut bilong ileksen.

Tokaut na tok tru we i kam long ritening opis bilong Sinasina Yongomugl ilektolet Rev. Tom Sine.

Revren Sine i tokim Wantok Niuspepa long Mande olsem, planti wok awenes na toksave bilong gutpela ileksen i stat long las yia wantaim ol sapot wok program bilong sios grup, NGO grup na plant lain grup i wok wantaim ileksen opis long Kundiawa na i mekim gutpela wok awenes na skulim ol manmeri long vot, gutpela pasin bilong vot, abrusim giaman vot, blok vot, rausim meri long vot, na planti ol arapela pasin nogut bilong olgeta ileksen.

# Rurel kopi fama sainim MOU

Kiki Kavana i raitim

OL kopi fama ken amamas liklik nau i gat wanpela Memorandum ov Understanding (MOU) o agrimen we bai lukim ol kisim helpim long kirapim ol kopi projek na painim ovasis tred.

Kopi Industri Koporesen (CIC) na Fairtrade Organization, kampani bilong Australia na Nu Silan i wok bung wantaim long kamapim dispela MOU we ol sainim long Lae, Morobe Provins.

"Mi gat bel isi i gat nupela rot nau long ol kopi fama bilong Papua Niugini long painim stret han mak bilong ol insait long groim na tred o painim ol ovasis lain husat laik baim kopi bilong PNG.

Mi strongim ol kopi fama long bung wantaim ol kopi kampani husat i kam aninit long CIC na Fairtrade insait PNG long lukim olsem ol i yusim gut tru ol helpim we i kam aninit long dispel MOU," CIC Jeneral Menesa bilong Risets na Groa Sevis Divisen, Dokta Mark Kenny, i tok.

Program Menesa bilong Fairtrade ANZ, Maria Trogolo, i tok driman bilong kampani em bilong lukim olsem i gat jastis na sustainabol developmen insait long wol we ol man meri ken wok long kamapim gutpela sindaun.

"Long winim dispela, Fairtrade laik senisim ol rot we i stap nau long sait bilong tred long lukim olsem em i helpim tru ol lain turangu.

Fairtrade bai helpim long kamap namel man long kirapim toktok bilong tred wantaim ol kopi fama na ovasis maket na mipela gat tingting na hop dispel baiil ken kamapim intanesenel tred we i strongim wan kain tritmen long olgeta pati insait long tred bilong kopi," Mis Trogolo i tok.

Nau long dispela taim i gat wanpela kopi fama grup, Neknasi Kopi Koperativ, bilong Morobe Provins husat i kisim tok orait pepa bilong Fairtrade long stat painim ovasis lain long baim kopi bilong ol aninit long MOU.

I gat narapela 8-pela arapela grup long provins husat i stap aninit long skelim long kisim tok orait pepa bilong ol tu long Fairtrade.



PLES NEKNASI: Ol fama bilong Neknasi long Morobe provins i bung wantaim long baim na salim kopi ovasis. Foto: Kiki Kavana

long wok poling, na ol pasto bilong olgeta sios insait long ilektolet, we i gat wok bung wantaim long ronim ileksen long stretpela rot na pasin, abrusim paol pasin, dabol vot, o braberi long ol polin wokmanmeri.

Revren Sine i tok tu olsem, nau mipela i stretim olgeta wok na ol ileksen samting, na wetim Westen Hailans long pinis na i kam long Simbu nau (Fonde) em mipela vot stat, i nogat wanpela hevi bai kamap.

Em i tok, tripela Asisten Ritening Opisa bilong wanwan LLG long Sinasina Yongomugl i redi na wanbel long redim ol samting na ronim dispela ileksen i kamap wanpela gutpela ileksen soim as tingting na mak we, sef, fri na fea ileksen insait long ilektolet na kantri wantaim.

Em i tok, 'dispela ol grup i mekim na mi amamas long dispela gutpela wok, na mi bilip olsem, bai ino gat bikpela hevi bilong eleksen bai kamap.'


Revren Sine tok, i gat (75) seventi faiv ileksen tim bilong ilektolet na i gat ol poling wokmanmeri olsem 375 ol wokmanmeri bilong poling opisa bai go aut wok long karim wok poling.

Em i tok, dispela wok bilong ileksen long taim bilong poling, we mipela i kisim planti meri long wok insait long taim bilong vot, dispela i minim olsem, mipela i setim na mekim plen pinis we bai igat tupela polin boot o ples bilong vot long wanpela team vot, em bai meri i vot long narapela lain mak na man long narapela lain mak insait long wanpela votin ples.

Long poling, mipela kisim planti meri




**SANAP WANTAIM:** BSP Hearts tim we i bin pilai insait long Hebou Shield kriket T20 resis las wik long Mosbi. *POTO: CPNG.*



**HOLIM EM:** Pilaia bilong Valley Hunters i traim long holim birua bilong em bilong Juggernauts long Mosbi ragbi union resis bilong ol las wik Sarere long Murray bareks. *POTO: Andrew Molen.*



**PAITIM BAL:** Sampela ol pilaia husat i bin stap insait long BSP golp salens we BSP benk i kamapim bilong ol wanwok na arapela bisnis husat i save wokbung wantaim ol long Jun 22, dispela yia. *POTO: BSP.*



**TROMOI:** Joshua Eric bilong University Piggies i laik tromoi bal long wanpela lain aut bilong ol taim ol i hatim skin bipo long ragbi union gem bilong ol agensim Kone Sharks long Mosbi ragbi union las wik Sarere long Murray bareks. *POTO: Andrew Molen.*



**WIKET:** Pipi Raho bilong Monier Miners i kisim tripela wiket agensim Hebou Hammers las wik long helpim tim bilong em i winim Hebou Shield gem bilong ol long Mosbi. *POTO: CPNG.*

**TOKSAVE:** Salim ol spots dro bilong yu kam long Feks; 325 2579, e-mel;[amolen@wantok.com.pg](mailto:amolen@wantok.com.pg) o kam lusim long Wantok Niuspepa opis long Central Waigani, NCD.



# Spit bilong win na wara

**Y**U harim na save pinis long ol kain kain pilai bilong graun tasol yu mas save tu olsem i gat ol pilai na resis bilong wara tu.

Long graun i gat ol resis bilong ol masin olsem kar, wilwil na arapela, tasol long wara i gat resis bilong ol bot na arapela masin bilong wara olsem tu.

I gat planti kain resis bilong ol dispela samting bilong wara, sampela bikpela na sampela liklik.

Tete bai yumi lukluk long wanpela resis bilong ol dispela wara masin, ol i kolim seling (sailing) o resis bilong kanu i gat sel long en.

Resis bilong ol dispela sel kanu i save kamap strong olgeta ples we i stap klostu long solwara we ol manmeri bilong ol dispela ples i save gut long ronim ol dispela kanu na bot.

### Histri bilong gem

Pasin bilong ron long bot o kanu em i no nupela samting, olgeta manmeri husat i save stap klostu long wara i save yusim olsem wanpela rot bilong ol long ron i go kam namel long ol ples.

Tasol spot bilong resis wantaim ol dispela kanu i stat long 1600 (17 sensri) long Holen (Holland) long Yurop.

Long Holen, King bilong Inglen, Charles II, i kisim i go long kantri bilong em long 1660.

Bihain long hap, dispela spot i go long Amerika we em i go bikpela moa, we ol wokman bilong ol sip i bung wantaim long kamapim ol yot (yacht) klap we ol i save bung long malolo na tu ronim ol kanu na bot bilong ol.

Namba wan yot klap tru i bin kamap long Cork long Ireland (Ailan) long 1720 na olpela klap tru long Amerika em NYYC we ol i kamapim long 1844.

NYYC i bin resis wantaim sampela ol pi-laia bilong Inglen long 1851 insait long wanpela resis we ol i win na kisim trofi go bek long klap bilong ol.

Dispela resis i stap yet nau we ol i save kolim Amerikas kap (America's Cup).

### Stail na loa bilong pilai

Long stap insait long dispela resis, yu mas i gat wanpela sel bot o kanu bilong yu yet.

Yu mas i gat save tu long ronim dispela sel bot wantaim strong na spit bilong win tasol.

Dispela em astingting bilong resis wantaim sel kanu bilong wanem ol dispela bot i save ron long spit na strong bilong win tasol taim dispela win i pas long ol bikpela sel bilong ol.

Taim ol sela (sailor) o ol man bilong ronim bot long solwara, i lukim win i go olsem wanem, ol bai tanim ol hap han bilong sip bai sel bilong en i ken kisim dispela win na mekim em i go spit moa long mekim em i tanim i go long rot ol i laik go long en.

Em i no isipela samting long mekim tasol ol sela i save gut long olgeta hap bilong bot we ol i mas mekim wok long en long helpim bot i ron gut.

I gat kain kain sel kanu o bot, olsem ol yot, i bikpela tru we i save gat planti manmeri antap long ronim na sampela olsem ol hobi ket (hobbie cat) i liklik inap long wanpela o tupela manmeri tasol i ronim.

Wanwan long dispela ol kanu i gat resis bilong ol yet.

Resis bilong ol bikpela bot i save brukim solwara i go long ol longwe ples o raunim ol ailan na i kam bek, sampela taim ol i save ron inap tri o 4-pela de.


Ol liklik kanu i save ron insait long wanpela hap tasol bilong solwara namel long ol mak we ol i save putim.

I gat wanwan stail bilong ronim ol dispela sel bot bilong wanem strongpela win i ken



BIHAINIM WIN: Ol bot i apim sel bilong ol ron insait long wanpela resis.

### SEL BOT: Ol hap hap bilong wanpela sel bot



HANGAMAP: Wanpela sela i hangamap long sait long sidaunim bot bilong em gut.

tanim ol sapos ol i no sanapim gut.

Taim win i go strong na i apim bot i go long wanpela sait, ol sela i save taitim ol yet long rop na hangamap i go long hap-sait bilong bot long mekim hevi bilong ol i daunim narapela sait bilong bot i go daun long wara gen.

Aninit long bot tu i gat longpela samting i go daun, ol i kolim fin, we i save helpim bot long noken kapsait hariap, na tu i save helpim em long tanim i go kam antap long wara.

Ol i mas tanim sel i go kam hariap long kisim win long i go spit moa o taim ol i laik tanim bot.

Sapos yu laik stap inait long dispela spot, yu mas save gut long wok bilong olgeta samting antap long bot na tu save long strong na spit bilong solwara na win bai yu ken yusim dispela save long helpim yu ron gut antap long wara.

### Seling long PNG

Sel kanu resis em i no nupela samting long Papua Niugini na i save kamap strong long ol asples we i stap klostu long solwara.

Ol manmeri long ol ples ol ples olsem Sentrol provins, Milen Be na ol arapela solwara ples i save ronim ol sel kanu long bipo yet na nau ol i save gat ol resis bilong ol yet tu.

Royal Papua Yot Klap (RPYC) long Mosbi em wanpela ples we olgeta sel bot na kanu save stap long en.

Sampela bilong ol i save stap long ples na i kamap tasol long taim bilong resis.

Bikpela resis bilong ol sel bot long PNG i save kamap namel long ol liklik bot na kanu olsem ol hobi ket we wanpela ol tupela man tasol i save ronim.

Ol PNG sela i stap insait pinis long ol bikpela tonamen olsem Pasifik Gems we ol i resis wantaim ol dispela sel kanu bilong ol.

Em i wanpela spot we i ken kamap bikpela moa sapos moa manmeri bilong solwara i stap insait long en.

Seling i ken lainim yu tu long save gut long pasin bilong solwara na win, bai yu ken save long wanem taim wara bai go antap o daun, wanem taim wara bai strong tru na wanem taim em bai silip isi.

Bai yu save tu long luksave long spit na strong bilong win na tu long ronim bot yu yet antap long wara.

Em i gutpela save na spot long stap insait long en.

Wanpela samting tasol i save daunim tingting bilong ol manmeri long kisim dispela spot em kos bilong mekim o baim wanpela seling bot.

Na sapos yu man o meri bilong narapela ples longwe long solwara na i laik traim dispela spot, em bai no inap isi long yu lainim long ronim dispela bot hariap.

Nau yet i nogat planti klap bilong dispela spot i stap tasol em i ken pulim planti moa manmeri sapos ol i ken opim rot long olgeta manmeri husat i gat laik long pilai, i ken kam joinim ol.


Kos bilong ronim dispela kain spot tu i save antap, na em in o isi long kamapim gutpela ples bilong putim ol bot.

Sapos gavman, ol spona na ol spots ogenaisesen bilong kantri ken wokbung long helpim bai kain ol spot i ken kamap bikpela na gutpela moa na tu kisim moa luksave.

# NRL SPOTS DRO RAUN 18


**Fraide : Julai 6, 2012**

**Allianz Stadium**  
W/Tigers V<sup>s</sup> Bulldogs




**Sarare: Julai 7, 2012**

**AAMI Park**  
Storm V<sup>s</sup> Raiders




**Skilled Park**  
Titans V<sup>s</sup> Warriors




**Sande: Julai 8, 2012**

**ANZ Stadium**  
Rabbitohs V<sup>s</sup> Knights




**Brookvale Oval**  
Sea Eagles V<sup>s</sup> Eels



**Mande: Julai 9, 2012**

**Toyota Stadium**  
Sharks V<sup>s</sup> Roosters



**Bai: Broncos, Panthers, Dragons, Cowboys**

## Raun 17 Poin Leda

Pos	Tim	W	L	D	B	+/-	Pts
1.	Storm	12	3	0	2	193	28
2.	Bulldogs	10	5	0	2	116	24
3.	Sharks	10	5	0	2	29	24
4.	Broncos	10	6	0	1	84	22
5.	Sea Eagles	9	6	0	2	51	22
6.	Rabbitohs	9	6	0	2	33	22
7.	Cowboys	9	7	0	1	79	20
8.	West Tigers	8	7	0	2	8	20
9.	Warriors	7	8	0	2	14	18
10.	Titans	6	9	0	2	-20	16
11.	Dragons	7	9	0	1	-44	16
12.	Knights	6	9	0	2	-45	16
13.	Raiders	6	9	0	2	-87	16
14.	Roosters	6	9	0	2	-120	16
15.	Panthers	4	12	0	1	-130	10
16.	Eels	3	12	0	2	-161	10



AMAMAS: MAroons wingga, Darius Boyd i amamasim trya bilong em long namba tri stet ov orijin gem bilong ol long Suncorp stedum long Trinde nait.



SAPOT: Ol Maroons sapota i lukluk long wanpela Blues sapota i sindaun namel long ol long nmaba tri stet ov Orijin gem long Trinde, Julai 4 long Suncorp stedum.

## Blues bagarap

### i kam long bek pes

"Ol Blues tu i pilai gut tru na i mekim mipela i wok hat tru tu," Smith i tok.

Em i tok tu olsem dispela i bin laspela gem bilong fowet bilong ol, Petero Civoniceva na i gutpela long ol i win na salim em i go.

Civoniceva i tok em i laspela gem bilong em tasol em i amamas tasol olsem tim bilong em i pilai strong na winim namba 7 taitol bilong ol.

"Olgeta pilai i wok hat tru na mi amamas na tenkyu tru long ol," em i tok.

Cronk i tok, dispela win i kamap long hat wok bilong tasol.

"Mipela i no malolo, mipela i wok hat long stat bilong gem i go long pinis na dispela i soim long win bilong mipela tete," em i tok.

Blues faiv eit, Todd Carney

i tok ol i gat bikpela belhevi tasol long dispela lus.

"Mipela i traim hat tru tasol em i no bin inap na mipela i wari tru," em i tok.

Ol Blues i soim tingting bilong ol long gem taim ol i no westim taim long putim namba wan trai insait long gem.

Namba wan poin bilong ol i kamap taim Carney kikim penolti kik long 7 minit bilong gem long putim ol i go pas 2 - 0.

Long 13 minit, winga, Brett Morris i kisim bal long dami hap na brukim banis bilong ol Maroons long go skoa.

Kik bilong Carney i kisim ol i go pas 8 - 0 bipo Darius Boyd i skoa bilong ol Maroons long 20 minit bilong gem.

Hap bek, Johnathan Thurston i abrusim kik tasol i

no long taim em yet i skoa gen bilong ol Maroons long 32 minit na kik long putim ol i go pas 10 - 8.

Long 35 minit bilong gem, Justin Hodges i painim gutpela spes na i skoa long putim ol Maroons i go pas 14 - 8 bipo kik bilong Thurston i kisim ol i 16 - 8 long hap taim.

Tasol ol Blues i no dai yet na huka Robbie Farah i kik bilong fulbek, Brett Stuart long skoa long 47 minit.

Kik i kisim ol i go 14 - 16 Johnathan Thurston i kisim tupela penolti kik bilong ol Maroons long ronawe i go 20 - 14.

Blues i pait bek gen na narapela gutpela kik bilong Farah i lukim senta Josh Morris, i kisim bal long het bilong Boyd na i skoa long kona long kisim ol i go 18 - 20.

Dispela trai i mekim Carney i mekim wanpela bikpela kik bilong em tru long Stet ov Orijin we em i kisim long kona tru long rait han sait bilong pilai graun.

Tasol em i kikim i go insait isi tasol long putim ol i go 20 - 20 long 71 minit bilong gem.

Ol i traim long kam bek gen tasol fil gol kik bilong Cronk bihain long 4 takol long 75 minit i pasim rot bilong ol olgeta.

"Mipela i traim long kam bek long dispela tasol i no bin inap," Carney i tok.

Dispela win i makim namba 7 win bilong ol Maroons insait long 7-pela yia stret na Blues i no bekim wanpela yet.

Ol i kam klostu dispela yia tasol nau bai ol i mas wet long traim gen long 2013.

# Tripela moa yia i stap

TRINDE, Julai 4, dispela wik, i makim stret tripela yia is tap yet bipo long 15 Pasifik Gems i kamap long Mosbi long 2015.

Papua New Guinea Sports Federation and National Olympic Committee (PNGSFOC) wantaim Pacific Games 2015 Organising Committee (PGOC) na Pacific Games Council (PGC) i bung wantaim long amamas dispela de aste long Mosbi.

Eksekutiv Dairekta bilong PGC, Andrew Minogue, i tok

amamas long nupela Presiden bilong PNGSFOC, Sir John Dawanicura, siaman bilong 2015 Pacific Games Authority, Kostas Constantinou na siaman bilong 2015 Games Organisation Committee (GOC), Emma Waiwai long dispela de ol i bungim.

"PGC i amamasim 2015 PGA, PNGSFOC na PNG2015 GOC, long kamap long de we i makim tripela yia stret bipo long Pasifik Gems i kamap long PNG," Minogue i tok.

"Dispela de i makim tu luk-save bilong planti ol arapela gutpela samting we i kamap long redim ples bilong dispela bikpela gem i kamap," em i tok.

Wanpela long dispela em wok bilong makim wanem kain ol spot bai stap insait long dispela gem, we GOC i tokaut pinis long 28 spot.

Long Sarere Julai 4, 2015 bai namba 15 Pasifik Gems i op na ron tupela wik olgeta.

Planti ol bikpela wok long stretim ol ples bilong pilai na

ples bilong ol tim long stap long en, i no kamap yet tasol Minogue i tok ol i amamas long ol tingting we ogenaising komiti gat long en na ol i bilip dispela olgeta wok bai kamap na redi gut bipo long gem i kamap.

Sir John Dawanicura i tok amamas tu long ol bipo memba bilong komiti olsem Sir Henry ToRobert, Pasifik Gems Minista, Bart Philemon na ol arapela long ol wok ol i mekim pinis na i stap nau.



BIKPELA GEM: Dispela bai namba tri gem bilong pini.

## PNG tim redi long Olimpik Gems

**Andrew Molen i raitim**

OL Papua Niugini etlit i wok long redi nau long stap insait long Olimpik Gems long London long pinis bilong dispela mun.

6-pela etlit i kwalifai pinis na ol i wetim tupela moa long kwalifai bilong etletiks.

Ol lain i kwalifai pinis em Dika Toua na Steven Kari bilong weiltifting, Ryan Pini na Judith Meauri bilong swimming, Theresa Tona bilong taekwando na Raymond Ovinou bilong Judo.

"Mipela i wetim tasol tupela moa pilaia long kwalifai long etletiks," bosman bilong tim, Syd Yates i tok.

Dispela olgeta pilaia i stap na trening nau long wanwan kantri ovasis na ol bai bung long London long Jun 19 na 20.

Ol pilaia olsem Pini, Toua na Tona i no nupela long stap insait long Olimpik Gems tasol em bai namba wan taim bilong

ol arapela.

Tona bai stap insait long namba tu gem bilong em, Pini bai namba tri na Toua bai resis namba 4 taim insait long dispela bikpela pilai.

Gem bilong ol i strong yet tasol krismas bilong ol i wok long bikpela na i gat bilip olsem nogut bai dispela i laspela Olimpik Gems bilong Pini na Toua.

Olgeta pilaia i wok long stap insait long ol gutpela trening na kompetisen long ovasis nau, we i ken helpim ol long pilai strong moa tasol ol i save tu olsem Olimpiks em i bikpela salens tru na em bai no inap isi long winim ol medol.

Ol arapela ofisol bilong tim bai lusim kantri long Jun 19 na 20 na i go long London long bung wantaim ol pilaia long hap.

Gem bai op long Jun 27 na pas long Ogas 12, dispela yia.

PNG tim bai kam bek long Ogas 13.

## Gecko skwat redi long winim bek EAP taitol

34 pilaia i stap pinis long Papua Niugini anda 17 skwat long Cricket PNG (CPNG) long go na traim long winim bek taitol bilong ol long Is Esia Pasifik (EAP) sempionsip, we bai kamap long Fiji long Ogas 27 i go long 31, dispela yia.

Laspela taim ol Geckos i bin go long dispela tonnamen em long 2010 we ol i no bin lusim wanpela gem, long stat i go inap long fainol.

Anda 17 skwat long dispela yia i gat wanpela pilaia long Lae na olgeta narapela i kam long Mosbi.

Insait long skwat tu i gat Nigel Boge na Mea Jimmy husat tupela i bin stap insait long skwat we i bin go pilai long dispela tonamen long

Vanuatu long 2010.

Skwat i go insait long trening kem nau na ol bai trening tripela de long olgeta wik.

Long Ogas bai ol i gat sampela trail gem namel long ol yet bipo long ol i makim tim tru bilong go pilai long Fiji.

Ol Geckos i bin winim dispela taitol long 2010 na i holim yet, wok bilong ol nau em long go na traim long winim bek gen.

Dispela anda 17 skwat em i rot bilong ol dispela yangpela pilaia tu long winim luk-save long go insait long nesenel kriket tim bilong PNG olsem na olgeta i mas soim save bilong ol tru long dispela tonamen.

Sampela bilong ol pilaia

husat i bin stap insait long dispela anda 17 tim long 2010, i stap nau long PNG Hebou Garamut (anda 19) skwat na i apilai insait long Hebou Shield resis.

Nau em i sans bilong ol dispela anda 17 pilaia long putim mak bilong ol tu.

Skwat em: (ol batsmen) Kiplin Doriga (KCC), Mea Jimmy (BHW), Hiri Hiri Patana (Hoods), Junior Mauri (Raukele), Lahui Simon (Poreporena), Ovia Sam (Poreporena), Nuana Nuana (Coasters), Rabura Maraga (Hoods), Nicholas Nigani (KCC), Esrome Eric (Raukele), Nigel Boge (United), Sakavai Charlie Gebai (Coasters) na Rau Sylvester (Raukele).

Ol pes bola em: Nosaina Pokana (Kempa), Ginete Geita (KCC), David Kopi (Hoods), Jephhtar Sturgess (Hoods), Allan Tebo Lawes (Raukele), Harold Gima Jnr (Raukele), John Ray (Poreporena), Lahui Hitolo (Poreporena) na Mauri Mauri (Raukele) na ol spin bola em; Allan Joseph (BHW), Tony Buruka (Poreporena) na Ruma Igua (Lae).

Ol raunda pilaia em: Riley Hekure (BHW), Mal Udia (Hoods), Gaudi Toka (Poreporena), Marepe Sere (Coasters), Frank Nuana (Coasters), Kila Gorogo (Coasters), Allan Viri (Coasters) na tupela wicket kipa em; Wayne Arua (United) na Tom Willie (Poreporena).



### Moa spots developmen bilong Gavman i mas go long ol Provins

MOA development i mas go long spots insait long ol provins.

Dispela i mas kamap pas long ol arapela bikpela developmen.

Gavman long ol distrik na provinsol level i mas givim sans long spots long develop na kamapim gut insait long ol provins.

Ol i mas givim sans long soim ol gutpela samting we em i ken kamapim long helpim provins i go fowet.

Spots bai helpim long developmen bilong provins olsem wanem?

Long bekim dispela askim, yumi olgeta i mas save gut long as tru bilong spots na ol gutpela astingting bilong kamapim spots na ol gutpela samting em i ken kamapim insait long komyuniti.

Spots i ken kamapim planti gutpela developmen insait long komyuniti, tasol i gat tupela bikpela wok we em i save helpim long gutpela sindaun bilong komyuniti.

Wanpela em developmen bilong ol manmeri na narapela em developmen bilong ol samting o infrastraksa.

Namel long tupela, developmen bilong ol manmeri em bikpela samting moa.

Dispela em bilong wanem, em i save lukluk long ol manmeri insait long wanwan komyuniti we em i kamap long en.

Em i save helpim long opim na stretim tingting bilong ol long ol stretpela na gutpela pasin.

Dispela em i gutpela bilong wanem ol provins i mas i gat ol man meri wantaim gutpela tingting na pasin sapos ol i laikim ples bilong ol i go fowet long ol arapela wok na developmen bilong ol tu.

Sapos dispela ol gutpela pasin na tingting i nogat, provins bai kamap olsem sik na bai mekim komyuniti na ol arapela wok insait long provins i slek na olgeta samting bai kam biahin tru.

Spots i mas go pas long helpim wantaim developmen insait long komyuniti na biahin dispela i ken suruk i go long helpim provins tu.

Long mekim dispela i kamap, Gavman i mas givim olgeta sapot bilong en long helpim spots.

Em i mas kamap namba wan developmen wok bilong Gavman na i go pas long ol arapela developmen wok.

Sapos dispela i nogat bai ol arapela samting tu i no kamap gut.

Spots em i olsem marasin bilong ol manmeri na ol yangpela insait long komyuniti, ol i mas kisim inap marasin bai ol i gat gutpela pasin na tingting insait long komyuniti na provins bilong ol.

Taim ol i kisim dispela marasin bai gat isipela sindaun, rispek, pasin bilong harim tok na stap isi na ol arapela bikhet na raskol pasin tu bai nogat.

Na spots bai mekim olsem wanem long kamapim dispela?

Taim ol yangpela manmeri stap insait long wok bilong kamapim na ronim spots ol pilai insait long ol gem, bai ol i no inap stap insait long ol arapela bikhet pasin insait long komyuniti.

Ol bai luksave long ol gutpela samting na pasin we spots bai soim na givim long ol.

Sampela ol samting ol bai lainim em pasin bilong harim tok, wokbung, soim rispek long ol arapela na samting bilong ol arapela na dispela ol pasin bai no inap kamap insait long pilai graun tasol long outsait tu.

Spots bai mekim ol i stap longwe tu long dring bia, kisim drak, stil, ronawe long skul na ol arapela bikhet pasin olsem.

Dispela kain ol samting bai lainim ol long kamap ol gutpela manmeri na tu long kamapim gutpela komyuniti.

Gavman i mas trenim ol manmeri tu long mekim kain ol wok olsem.

Ol manmeri husat i gat save long mekim kain wok olsem i mas go pas long mekim em i kamap.

Tasol long nau yet, i nogat dispela kain ol manmeri wantaim gutpela save olsem long mekim kain wok we mi toktok long en nau.

Dispela em i namba wan samting tru Gavman bilong yumi mas mekim.

Namba wan samting em long trenim ol manmeri wantaim gutpela save bilong kamapim na ronim gut ol spots insait long ol provins.

Ol i mas luksave na kisim ol gutpela manmeri insait long wanwan spots husat bai nap long mekim dispela kain wok na salim ol i go ovasis long kisim gutpela trening na save long mekim.

Taim ol i kam bek long dispela ol trening, ol bai gat inap save long mekim kamapim na mekim dispela kain wok, we bai helpim gut tru ol pipol na komyuniti bilong yumi insait long wanwan provins.

**NEW PREMIUM TUNA**

# DIANA

**PROUDLY PNO MADE**

100% Tuna Content Tuna  
P.O. Box 100, Madang  
Papua New Guinea

# Blues bagarap 7 yia bilong Maroons

**TINGTING** na bilip bilong ol Nu Saut Wels (NSW) Blues long stopim ol Kwinslen Maroons long win gen, i lus nating taim ol i pundaun gen 21-20 long Trinde nait, dispela wik.

Ol Blues i skoa pas na i kamapim strongpela gem tasol ol ekspiriens bilong ol Maroons long winim dispela gem long las 6-pela yia i helpim ol long sanap strong na pasim ol.

Gem i go i kam tasol taim Maroons hap bek, Cooper Cronk i kikim fil gol long 75 minit bilong gem, olgeta i save olsem ol Blues bai painim hat

long kam bek.

Kepten bilong ol Maroons, Cameron Smith, i tok ol i gat gutpela tim we i no save giv ap hariap, tasol i save stap strong na pait bek yet inap long gem i pinis.

"Mipela i wokhat tu long holim na ronim gut bal na dispela i helpim mipela long winim dispela gem," Smith i tok.

Em i tok tu olsem dispela i wanpela namba wan stet ov Orijin gem tru we em i bin pilai insait long en.

*Moa long Pes 30.*



**NOGAT ROT:** Blues kepten, Paul Gallen i pas long strongpela banis bilong ol Maroons long namba tri Stet ov Orijin Gem bilong ol long Suncorp Stadium long Trinde dispela wik.

# Johnston's Pharmacies

**For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.**

**All Sport and First Aid requirements.**

**P.O.Box 1066 Boroko.  
Phone 325 3185. Fax 325 0190.  
Email sales@johnstons.com.pg."**